



# შირაკი

## SHIRAKI

გამოცემის 1937 წლიდან  
დედოფლისწყაროს მუნიციპალიტეტის გაზეთი

№42 (10.097)  
11-18 ნოემბერი 2023 წელი  
ფასი: 60 თეთრი  
ყოველკვირეული გამოცემა

### „ჩვენ გავაგრძელებთ მუნიციპალიტეტის მოსახლეობაზე ზრუნვას“...

**7 ნოემბერს დედოფლისწყაროს მუნიციპალიტეტის მერმა ნიკოლოზ ჯანიაშვილმა საზოგადოებას წლიური ანგარიში წარუდგინა. მან დედოფლისწყაროს ხელოვნების სკოლაში დედოფლისწყაროს მუნიციპალიტეტის მერიის მიერ განუხორციელები მუშაობის შესახებ დეტალურად ისაუბრა. ნიკოლოზ ჯანიაშვილმა ანგარიშის წარდგენა დედოფლისწყაროს მუნიციპალიტეტის ადგილობრივი ბიუჯეტის შემოსავლების ანალიზით დაიწყო:**

„2023 წელს დედოფლისწყაროს მუნიციპალიტეტის ადგილობრივი ბიუჯეტმა შეადგინა 18 მილიონ 251 ათასი ლარი. ჩვენი მუნიციპალიტეტის ძირითადი შემოსავლები ასე განისაზღვრა: 5 მილიონი ლარი - დამატებითი შემოსავლების გადასახადი (დღგ), რომელიც ცენტრალური ბიუჯეტიდან მოემართება ადგილობრივ ბიუჯეტში და ის მზარდი თანხაა, რაც იმას გულისხმობს, რომ წლის დასაწყისში დაგეგმილი ფულადი რესურსი წლის განმავლობაში იზრდება; შემდეგი არის სანარმოთა ქონების გადასახადი - იმ ბიზნესებს, რომელთაც დედოფლისწყაროს მუნიციპალიტეტის ტერიტორიაზე გააჩნიათ ქონება, მისი ღირებულების ერთ პროცენტს იხდიან და, საბოლოოდ, ეს თანხა 630 000 ლარს შეადგენს. წლების წინ ეს თანხა სულ რაღაც 200 000 ლარს შეადგენდა და დღევანდელი მონაცემებით, 3-ჯერაა გაზრდილი, რაც იმას ნიშნავს, რომ ადგილობრივი ბიზნესი ვითარდება; შემდეგი და ყველაზე მთავარი შემოსავალი ადგილობრივ ბიუჯეტში ეს მიწაზე ქონების გადასახადია და ის 8 მილიონ 280 000 ლარია. გვაქვს ამ თანხის გაზრდის პერსპექტივა, რაც იმას გულისხმობს, რომ მუნიციპალიტეტის ტერიტორიაზე არსებული დაურეგისტრირებული მიწები კანონის ჩარჩოში მოექცევა. მოგეხსენებათ, მიმდინარეობს მინის სისტემური რეგისტრაციის პროცესი, რომლის წყალობითაც, ჩვენს მოსახლეობას შესაძლებლობა აქვს, საჯარო რეესტრში სრულიად უსასყიდლოდ დაარეგისტრიროს კუთვნილი მიწის ნაკვეთი თუ საცხოვრებელი სახლი. 2024 წლის ბოლომდე საქართველოში, ქვეყნის მთავრობისა და პრემიერის დამსახურებით, აღარ იარსებებს დაურეგისტრირებელი მიწის ნაკვეთი. არასასოფლო-სამეურნეო დანიშნულების მიწაზე ქონების გადასახადის წილი ადგილობრივ ბიუჯეტში ძალიან მცირეა და ის 40 000 ლარს შეადგენს. მუნიციპალიტეტის ბიუჯეტის შემდეგ წყაროს წარმოადგენს გრანტები და ფონდები. მაგალითად, რეგფონდი, საიდანაც წამოსული თანხის მოცულობა წელს 6 მილიონ 989 000 ლარი იყო

და რომლის წყალობითაც ინფრასტრუქტურული პროექტები განხორციელდა. შემდეგი ბუნებრივი რესურსებით სარგებლობის შემოსავალია 2 მილიონ 20 000 ლარის მოცულობით, თუმცა, მომავალი წლისთვის ეს თანხა განახევრდება, რაც კირქვის მოპოვების შემცირებითაა გამოწვეული. ეს დროებითი პროცესია და, ვიმედოვნებთ, რომ მომავალში შემოსავალი კვლავ გაიზრდება. ადგილობრივი ბიუჯეტის შემოსავლებს წარმოადგენს ასევე არაფინანსური აქტივები, ჯარიმები და მოსაკრებლები“.

ნიკოლოზ ჯანიაშვილმა საზოგადოებას მერიის ზედამხედველობის სამსახურის ახალი ხელმძღვანელი წარუდგინა - შოთა ლოლაშვილი, რომელსაც საჯარო სამსახურში მუშაობის ათწლიანი გამოცდილება აქვს. მერმა იმედი გამოთქვა, რომ ახალი ხელმძღვანელის დამსახურებით, ზედამხედველობის სამსახური მეტად იზრუნებს დედოფლისწყაროში უკანონო მშენებლობების პროცესის გაკონტროლებასა და სკვერების სისუფთავის დაცვაზე. პარალელურად კი - ბიუჯეტის შესებაზე. ნიკოლოზ ჯანიაშვილმა აქვე აღნიშნა, რომ მათი მიზანი ჯარიმების გამოწერა სულაც არ გახლავთ, მაგრამ ქალაქ დედოფლისწყაროს ცენტრალურ სკვერში მსხვილფეხა პირუტყვის ყოფნის აკრძალვა მეპატრონის დაჯარიმების გარეშე არ ხერხდება. ეს სამსახური და არასასიამოვნო ფაქტია, მაგრამ გაცდლებით უსიამოვნო ახლადრეაბილიტირებულ სკვერში საქონლის მიერ დაზიანებული ინვენტარის ხილვა...

მერმა ქვეყნის ეკონომიკური ზრდის პარალელურად ისაუბრა დედოფლისწყაროს მუნიციპალიტეტის ეკონომიკური ზრდაზე და მაგალითად ადგილობრივი ბიუჯეტი მოიყვანა. 2016 წელს მისი მოცულობა 8 მილიონ ლარს შეადგენდა, დღეს კი 18 მილიონი ლარია. განვიხილოთ 10 წელიწადში განვითარდა და სულ სხვა სიმაღლეზე ავიდა ჩვენი მუნიციპალიტეტი, და ერთი შეხედვითაც ჩანს, რომ ბიუჯეტის ზრდა მხოლოდ ლიტონი სიტყვები და ციფრები არაა.

„ყოველთვის ვამბობ, რომ საბავშვო ბალები ჩვენი მთავარი პრიორიტეტია. 2012 წლის ბოლოს მოვიდა ხელისუფლებაში „ქართული ოცნება“ და საბავშვო ბალების დაფინანსება დედოფლისწყაროში იყო 416 000 ლარი, ბალი ფასიანი იყო, არ იყო კვება, გათბობა, მოუნესრები იყო სანიტ-ჰიგიენური პირობები. 2013 წლიდან დაიწყო ბალებზე ზრუნვა როგორც ცენტრალურმა, ასევე ადგილობრივმა ხელისუფლებამ. დღეს საბავშვო ბალებში სწავლა სკოლამდელი ასაკის



ბავშვებისთვის არის უფასო, მუნიციპალიტეტის 18-ივე ბალი აღჭურვილია თანამედროვე სტანდარტების შესაბამისად და დაცულია ყველა ნორმა, პატარებს აქვთ დღეში 4-ჯერადი კვება და ახალი სათამაშოები. იმ სოფლებში, სადაც არ იყო ბაღის შენობა, ან ბავშვებს არასაკმარისი ფართის პირობებში უხდებოდათ ყოფნა, ყველგან ახალი შენობა აშენდა ან უკეთესი ფართი გამოიხანა. ეს ყველაფერი ციფრებშიც აისახა და 416 000 ლარიდან ბალების დაფინანსება 2 მილიონ 419 500 ლარამდე გაიზარდა. მომავალი წლიდან ასევე იგეგმება საბავშვო ბაღის თანამშრომელთა ხელფასების ზრდა 100 ლარით, რაც მათ ბიუჯეტზეც აისახება.

2 მილიონ 741 000 ლარია დედოფლისწყაროს კომუნალური მომსახურების ცენტრის დაფინანსება. ჩვენი მიზანია, დედოფლისწყაროს მუნიციპალიტეტის მთელ ტერიტორიაზე იყოს სისუფთავე და განათებული იყოს ყველა უბანი და ქუჩა, დანერგული მანჩანებიდან - დამთავრებული საბათლოთი. ყველა სოფელი უზრუნველყოფილია სანაგვე ურნებით და ყველგანაა დამონტაჟებული გარე განათების სისტემა“.

დედოფლისწყაროს მუნიციპალიტეტის მერმა ვრცლად მიმოიხილა იმ ორგანიზაციების საქმიანობა, რომლებიც ადგილობრივი ბიუჯეტიდან ფინანსდებიან და აღნიშნა, რომ თითოეული მათგანი ზრუნავს დედოფლისწყაროს მოსახლეობის ჯანმრთელობის, სოციალური დაცვის, განათლების უზრუნველყოფაზე. „სათნობის სახლი 180-მდე უპოვარ ადამიანს ყოველდღიურად აპურებს. მისი ბიუჯეტი 200 000-დან 306 000 ლარამდე გაიზარდა; კულტურის, სპორტის, ახალგაზრდობის ცენტრის დაფინანსება მილიონ 74 000 ლარია და ეს ორგანიზაცია ზრუნავს მოსწავლე-ახალგაზრდობის სულიერ განვითარებაზე, 500 ახალგაზრდა სპორტის წყალობით ქუჩასაა მოწყვეტილი და ბევრი წარმატებული სპორტსმენიც გვყავს.“

საზოგადოებრივი ჯანდაცვის ბიუჯეტი 137 000 ლარს შეადგენს. ამ ორგანიზაციის მნიშვნელოვანი როლი კოვიდ-დაპანდემიის ეტაპზე გამოიკვეთა. 180 000 ლარით ფინანსდება დედოფლისწყაროს ხელოვნების სკოლა. ყველამ ვიცით, რომ ხელოვნების გარეშე ყველა საქმეს პენი ეკარგება“-აღნიშნა ნიკოლოზ ჯანიაშვილმა.

სკოლამდელი დაწესებულებების შემდეგ მუნიციპალიტეტის მერმა საჯარო სკოლების ინფრასტრუქტურულ პროექტებზეც გაამახვილა ყურადღება და აღნიშნა, რომ მუნიციპალიტეტის საჯარო სკოლების დიდი ნაწილი უკვე

რეაბილიტირებულია:

„164 000 ლარი იხარჯება სკოლების კეთილმოწყობაზე. ამ დღეებში დასრულდება მირზანის სკოლის რეაბილიტაცია. ოზანში 1989 წელს უნდა აშენებულიყო სკოლა. მას შემდეგ ყველა ხელისუფლება პირდებოდა სოფლის მოსახლეობას ამ პროექტის განხორციელებას, მაგრამ დაპირება-დაპირებად რჩებოდა. მხოლოდ „ქართული ოცნების“ პირობებში მოხერხდა სკოლის აშენება. ამჯერად მიმდინარეობს შენობის შიდა მოპირკეთების სამუშაოები. გაზაფხულიდან ოზანელი მოსწავლეები ახალ სკოლაში ისწავლიან.“

სამთაწყაროში უნიკალური სკოლა გაკეთდა, სამუშაოების 95% დასრულებულია და 2024 წლის იანვარში მოსწავლეები სწავლას ახალ სკოლაში გააგრძელებენ. კვლავ აქტიურად გრძელდება მუნიციპალიტეტის საჯარო სკოლების ინფრასტრუქტურის განახლება. უახლოეს პერიოდში კიდევ რამდენიმე სკოლის მშენებლობა დაიწყება.

ჩვენი მიზანია, რომ ქალაქსა და სოფლებში მოსახლეობას ჰქონდეს ერთნაირი პირობები, რათა ხალხი არ გარბოდეს სხვაგან და როგორც გარე მიგრაციის, ასევე შიდა მიგრაციის მზარდ პროცესს ხელი შეუწყვალოთ.

ამ დღეებში დასრულდა „სოფლის მხარდაჭერის პროგრამა“- კახეთის რეგიონში ერთადერთი მუნიციპალიტეტი ვართ, რომლებმაც პირველმა დავასრულეთ სოფლის პროგრამა და საკმაოდ წარმატებულადაც. 24 პროექტი უკვე დამთავრებულია. პროგრამის ფარგლებში განხორციელდა ის პროექტები, რომლებიც მოსახლეობამ თავად გამოავლინა პროგრამით განსაზღვრული პამეტრებისა და კრიტერიუმების გათვალისწინებით“.

მუნიციპალიტეტის მერმა წინასწარ ჩვენო დაპირებებიც გაიხსენა და აღნიშნა, რომ ორი მთავარი დანაპირები-სასმელი წყლით უზრუნველყოფა და ქალაქ დედოფლისწყაროში არსებული კორპუსების ეზოების მოსაფალტება - შესრულებულია. შემდეგ კი სხვა მნიშვნელოვანი ინფრასტრუქტურული პროექტები გააცნო საზოგადოებას, რომლებიც გარდა ჩვენი მოსახლეობისთვის ღირსეული საარსებო პირობების შექმნისა, ტურისტული პოტენციალის გაზრდასაც ემსახურება.

„ფიროსმანის სახლ-მუზეუმთან მისასვლელ გზას რეაბილიტაცია ჩაუტარდა, მოეწყო გარე განათების სისტემა და გაკეთდა ავტოსადგომი. ამ პერიოდის რეაბილიტაციამ განაპირობა ტურისტულ ობიექტამდე - „ვილა ჯიო“

/გაგრძელება გვ.3/





„ახლა მთავარია, ალენიზმით ევროკომისიის გადაწყვეტილება და საკითხის მიხედვით დამოკიდებულება აოზიტიურ ემოციებში გამოვსატოთ“

„ახლა მთავარია, მივიღოთ და ალენიზმით ეს გადაწყვეტილება და ეს ნელინდნახევრიანი ემოციური დამოკიდებულება საკითხის მიმართ პოზიტიურ ემოციებში გამოვსატოთ და არა იმ ჩამომტირალ სახეებზე, რომელიც ოპოზიციას აქვს“, - ამის შესახებ პარლამენტის თავმჯდომარემ, შალვა პაპუაშვილმა ჟურნალისტებთან განაცხადა.

მისივე თქმით, ევროკომისიამ ქვეყანას ახლა 9 რეკომენდაცია მისცა, რომელთა დაკავშირებით ხელისუფლება აუცილებლად იმუშავებს.

„ევროკომისიამ თქვა, რომ 12 რეკომენდაციის შესრულება საკმარისია იმისთვის, რომ საქართველომ მიიღოს კანდიდატის სტატუსი. ამასთან, ჩვენ მოგვცა 9 რეკომენდაცია, რომელშიც ზოგიერთი წინა თემებიდან არის მოდიფიცირებული. ახლა გადავხედით ახალ ეტაპზე, რომელიც უკვე შემდეგ სამიზნეს - მოლაპარაკებების გახსნას ეხება. რა თქმა უნდა, ამ 9 რეკომენდაციასთან დაკავშირებით ჩვენ ვიმუშავებთ. აქ უკვე ბევრი საკითხია, რომელიც, განსხვავებით წინა საკითხებისგან, უფრო პრაქტიკაზეა ორიენტირებული, ვიდრე საკანონმდებლო ცვლილებებზე. თუმცა, რა თქმა უნდა, საკანონმდებლო ნაწილიც არის. ამიტომ, თავისთავად ჩვენ ამაზე ვიმუშავებთ.“

პირველ რიგში, მართალია, ჯერ კიდევ გადაწყვეტილების მოლოდინში ვართ, 15 დეკემბერს, მაგრამ მნიშვნელოვანია, რომ არსებული რეკომენდაცია ევროპულმა საბჭომ გაიზიაროს. თუმცა ძალიან ახლოს ვართ და მთავარია, კომისიამ თქვა, რომ 12 რეკომენდაციის საკითხი დაიხურა და იმისთვის საკმარისად შესრულდა, რომ კანდიდატის სტატუსი მოგვცენ. საქართველოს ხელისუფლებამ შეასრულა თავისი როლი იმისთვის, რომ მივსულიყავით ამ ეტაპამდე. ახლა მთავარია, რომ მივიღოთ და ალენიზმით ეს გადაწყვეტილება და ეს ნელინდნახევრიანი ემოციური დამოკიდებულება საკითხის მიმართ პოზიტიურ ემოციებში გამოვსატოთ და არა იმ ჩამომტირალ სახეებზე, რომელიც ოპოზიციას აქვს. ჩანს, რომ ოპოზიცია განიცდის, რომ „ქართულმა ოცნებამ“ თავისი დანაპირები, რომელიც 2020 წელს მისცა თავის მოსახლეობას წინსწრებით და გადაჭარბებით შეასრულა. ახლა ეს გამარჯვება უნდა ვიხეიძოთ, შემდეგ უნდა მივზრუნდეთ დანარჩენ საკითხებს, რომელიც შემდეგ ეტაპს - მოლაპარაკებების გახსნას ეხება“, - აღნიშნა პაპუაშვილმა.

რაც შეეხება ახალი რეკომენდაციების შესრულებისას ოპოზიციის ჩართულობის საკითხს, შალვა პაპუაშვილმა განაცხადა, რომ მას ვისაც სურვილი აქვს, რომ ამ პროცესის ნაწილი იყოს, შესაძლებლობა აქვს, „ავიდეს იმ ევროპულ მატარებელში, რომელიც ახლა კიდევ უფრო მეტად იკრეფს სიჩქარეს.“

„იმ ევროპულ მატარებელზე, რომელიც ახლა კიდევ უფრო მეტად იკრეფს სიჩქარეს, ამოსვლა ყველა შეუძლია. საქართველოს ხელისუფლება აუძღვება ამ ლოკომოტივს, რომელსაც ჩვენ მივყავართ ევროპაში. მას ვისაც აქვს სურვილი, რომ ამ პროცესის ნაწილი იყოს, შესაძლებლობა აქვს, ამოვიდეს ამ მატარებელში, უკან დატოვოს დეზინფორმაცია, ტყუილი და სხვა ის, რითაც განსაკუთრებით რადიკალური ოპოზიცია გამოირჩევა ხოლმე. ამ შემთხვევაში, რა თქმა უნდა, აქ მხოლოდ არათუ მზაობაზეა საუბარი, არამედ, ეს ბუნებრივადც მოიტანს განწყობას, იქნება ეს პარლამენტში თუ მის გარეთ“, - განაცხადა პაპუაშვილმა.

„მიგვაჩნია, რომ საფრანგეთი კიდევ უფრო გააძლიერებს ჩვენს პოლიტიკურ და პრაქტიკულ მხარდაჭერას“

საქართველოს პრემიერ-მინისტრი ირაკლი ლარიაშვილი საფრანგეთის პრეზიდენტთან შეხვედრას სოციალურ ქსელ „ტვიტერში“ ეხმაურება. როგორც მთავრობის მეთაური აღნიშნავს, საფრანგეთი კიდევ უფრო გააძლიერებს პოლიტიკურ და პრაქტიკულ მხარდაჭერას, რაც ევროკავშირში განხორციელების გზაზე შემდეგი ეტაპების წარმატებით გავლაში დაგვეხმარება. „სასიამოვნო იყო საფრანგეთის

პრეზიდენტ ემანუელ მაკრონთან შეხვედრა. მადლობელი ვართ ევროპეისაციის გზაზე პრეზიდენტის მიერ საქართველოსადმი გამოხატული მხარდაჭერისთვის და მიგვაჩნია, რომ საფრანგეთი კიდევ უფრო გააძლიერებს ჩვენს პოლიტიკურ და პრაქტიკულ მხარდაჭერას, რაც ევროკავშირში განხორციელების გზაზე შემდეგი ეტაპების წარმატებით გავლაში დაგვეხმარება“, - აღნიშნავს პრემიერ-მინისტრი.

კორუფციის დაბალი დონით საქართველო რეგიონში ლიდერია

მსოფლიოს მონიშნავს ანალიტიკურმა ცენტრმა, შვეიცარიულმა ორგანიზაციამ - Global Risk Profile (GRP) „გლობალური კორუფციის ინდექსი 2023“ გამოაქვეყნა. რეიტინგში საქართველო 2 ადგილით დანიშნულა, მსოფლიოს 196 ქვეყანასა და ტერიტორიას შორის საუკეთესო 25%-ში მოხვდა და მსოფლიოში 43-ე ადგილი დაიკავა. შავიზღვისპირეთში, კავკასიასა და ცენტრალურ აზიაში კი პირველი ადგილი მიიღო - სტატუსით „კორუფციის დაბალი დონე“. საქართველო

აღნიშნულ რეგიონში ერთადერთი ქვეყანაა, რომელსაც „კორუფციის დაბალი დონის“ სტატუსი აქვს. კორუფციისაგან თავისუფლებით საქართველო გაუსწრო ევროკავშირის წევრობის კანდიდატ ყველა ქვეყანას, ევროკავშირის და ნატოს წევრ 8 სახელმწიფოს. GCI-ის გამოსათვლელად განიხილება 6 ინდიკატორი, რომელთაგან 4 ორიენტირებულია კორუფციაზე, ხოლო 2 ფინანსურ დანაშაულზე.

გლობალური კორუფციის ინდექსში საქართველო კორუფციის დაბალი დონის სტატუსი მიიღო და რეგიონში ლიდერია

„პრემიერის განცხადებამ გამახარა, რადგან ეს ნიშნავს იმას, რომ ევროკომისიამ პოლიტიკურად ძალიან ზუსტი გადაწყვეტილება მიიღო“

პრემიერის განცხადებამ გამახარა, რადგან ეს ნიშნავს იმას, რომ ევროკომისიამ პოლიტიკურად ძალიან ზუსტი გადაწყვეტილება მიიღო“, - ამის შესახებ საქართველოს პრეზიდენტმა, სალომე ზურაბიშვილმა „France24“-თან ინტერვიუში ჟურნალისტის მიერ დასმული შემდეგი კითხვის საპასუხოდ განაცხადა: „პრორუსულად მიჩნეულმა პრემიერ-მინისტრმა აღნიშნა, რომ ახალი სტატუსი ისტორიული გამარჯვება იყო. გააკვირვებთ ამან?“

სალომე ზურაბიშვილის განცხადებით, თუ საქართველოში დემოკრატიული არჩევნები ჩატარდება, ეს საშუალებას მისცემს წარმოიშვას ახალი კოალიცია, ხოლო ამ შემთხვევაში, შევასრულებთ ყველა პირობას, რომ ჩვენ გავსწნათ მოლაპარაკებები განხორციელებისთანავე დაკავშირებით.

„გამახარა. ის დღეს საფრანგეთში იმყოფება და ესწრება მშვიდობის ფორუმს, ხდება პრეზიდენტ მაკრონს. ამან [განცხადებამ] მე გამახარა, რადგან ეს ნიშნავს იმას, რომ ევროკომისიამ პოლიტიკურად ძალიან ზუსტი გადაწყვეტილება მიიღო, რადგან ეს გარკვეულწილად აიძულებს საქართველოს ყველა პოლიტიკურ ძალას ერთ ევროპულ სიხშირეზე იყვნენ. ვნახოთ... ვფიქრობ, რომ სტატუსი, რომელსაც იმედა წლის ბოლოს მივიღებთ, იქნება არა სტატუსი მონიჭებული საქართველოსთვის როგორც „საბოლოო ანგარიშსწორება“, არამედ როგორც strings attached, უფრო მეტი და უფრო ძლიერი კავშირი ევროპასთან, ევროპის მეტი ჩართულობა. ევროპა უნდა იყოს ჩვენთან ერთად, ეტაპობრივად, შემდეგ ეტაპამდე.“

იმედი მაქვს, რომ თუ გვექნება დემოკრატიული არჩევნები, ეს საშუალებას მისცემს წარმოიშვას ახალი კოალიცია. ამ შემთხვევაში, შევასრულებთ ყველა პირობას, რომ ჩვენ გავსწნათ მოლაპარაკებები განხორციელებისთანავე დაკავშირებით. ერთი წელი გვაქვს დაგვიანება უკრაინასა და მოლდოვასთან შედარებით, ეს წელი უნდა ავინაზღაუროთ და ამისათვის ევროპა ჩვენს გვერდით უნდა იყოს“ - განაცხადა პრეზიდენტმა.

ამასთან, სალომე ზურაბიშვილის განმარტებით: „მოსახლეობამ გუშინ კარგად იგრძნო, რომ ჩვენ ამ გზაზე მართონი არ ვართ. ეს რთული პროცესია. განხორციელებაზე და წევრი ქვეყნის იურიდიულ სტატუსზე უფრო მნიშვნელოვანია ევროპულ ოჯახში ყოფნა და ის, რომ გარეთ არ ვიყოთ დატოვებული. ეს არის ფუნდამენტური“.

კითხვაზე, არ გეშინიათ, რომ საქართველოს მთავრობა ხელს შეეშობოთ რეფორმების ბოლომდე განხორციელებაში? საქართველოს პრეზიდენტი პასუხობს, რომ ეს მოსახლეობაზე იქნება დამოკიდებული.

„ეს დამოკიდებული იქნება მოსახლეობაზე. ჩვენ დემოკრატიულ სისტემაში ვართ, ხალხის ხმა, ხალხის როლი ძალიან მნიშვნელოვანია. სწორედ ამიტომ შევკრიბე გუშინ, არა მხოლოდ აღსანიშნავად, რადგან არ ვიცოდით აღსანიშნავი ამბავი იქნებოდა თუ არა, არამედ ხელმწიერების კამპანიის დასაწყებად, რამაც 15 დეკემბრამდე უნდა მიგვიყვანოს. ევროპული საბჭოს გადაწყვეტილებამდე, რათა ევროკომისიისთვის გვეჩვენებინა, რომ საქართველოს მთლიანი მოსახლეობა გულმგმატივრობს ევროპისკენ მიმავალ ამ გზას. მთავრობები იცვლება და მოსახლეობა რჩება. 2024 წელი არჩევნების წელია, რომელიც 2024 წლის ოქტომბრის თვეში ჩატარდება, შეიძლება ვიხილოთ ევოლუცია, მაქსიმალურად სტაბილური და მშვიდი, რომელიც მიგვიყვანს კოალიციურ მთავრობასთან“, - განაცხადა სალომე ზურაბიშვილმა.

ჟურნალისტის კითხვაზე, რომ სლოვაკეთის ახლადარჩეულმა პრემიერმა პრემიერმა ფუკომ შეწყვიტა უკრაინისათვის იარაღის მიწოდება და ხომ არ შიშობთ, რომ საქართველო იგივე გზით შეიძლება წავიდეს, სალომე ზურაბიშვილი პასუხობს, რომ საქართველო უკრაინას იარაღს არ აწვდის, რადგან არის რაღაცეები, რისი უფლებაც არ შეგვიძლია მივცეთ საკუთარ თავს.

„ჩვენ არ ვანვდით იარაღს უკრაინას, ცხადი მიზეზების გამო, სტრატეგიული სიტუაციიდან გამომდინარე, ჩვენ ორი ოკუპირებული ტერიტორია გვაქვს, არის რაღაცეები, რისი უფლებაც არ შეგვიძლია მივცეთ საკუთარ თავს და ამასთან დაკავშირებით მე მთავრობისგან განსხვავებული შეხედულება არ მაქვს. მაგრამ მე, ისევე როგორც მოსახლეობა, უფრო ღიად ვუცხადებ სოლიდარობას უკრაინას, რაც ვთვლი, რომ აუცილებელია, რადგან ჩვენ გვაქვს მსგავსი ისტორია, წარსული და დარწმუნებული ვარ, რომ გვექნება ერთნაირი მომავალი ევროპაში. ეს სოლიდარობა აუცილებელია და თუ თქვენ ჩამოხვალთ თბილისში, ამ სოლიდარობას ყველგან დაინახავთ უკრაინული დროშების სახით, რომლებიც ისევე მრავლდება, როგორც ქართული და ევროპული დროშები“, - განაცხადა სალომე ზურაბიშვილმა.

„რადიკალური ობოზიცია საქართველოს უყენებს პირობას, რომ საოკუპაციო რეჟიმის მიერ მოკლული თანამოქალაქისა და უკანონო ტყვეობაში მყოფი პირის შესახებ რეაგირება მოახდინოს“

რეზოლუციაში არის მანიპულაციური ტექსტი, თითქოს საქართველო აქამდე არაფერს აკეთებდა ოკუპაციის წინააღმდეგ და იმ უმძიმეს შემთხვევებზე, რომელიც მოხდა ამ წლების განმავლობაში, - განაცხადა პარლამენტის ვიცე-სპიკერმა არჩილ თალაკვაძემ, რითაც გამოეხმაურა ოპოზიციის რეზოლუციის პროექტს, რომელიც მოუწოდებს მთავრობას, ოთხობორობა-ტატუნაშვილის სიაში თამაზ გინტურის მკვლელობაში დამნაშავეების სახელები შეიყვანოს.

თებელ ადამიანის უფლებათა დარღვევებზე, რომელიც მოხდა ამ წლების განმავლობაში. ამ რეზოლუციას აინიციურებს ხალხი, რომელმაც თავის მოსახლეობა ომის დროს დატოვა ომის ზონაში ევაკუაციის გარეშე, ის ხალხი, რომელიც ხელისუფლებაში ყოფნის დროს გამოიქცა ბრძოლის ველიდან და იქ დატოვეს ჯარისკაცები, ადამიანები, რომლებმაც თანამედროვე შეიარაღება ჩააბარეს რუსეთს ომის დროს, ამის მერე გაიხსნეს საზღვრები რუსეთს, ჩააბარეს ენერგეტიკული და სტრატეგიული ობიექტები რუსეთს“, - განაცხადა თალაკვაძემ.

თალაკვაძის თქმით, საქართველოს მოქალაქის მკვლელობასა და გატაცებაზე, ხელისუფლებისთვის რეაგირების მოთხოვნა მანიპულაციურია.

ინფორმაციისთვის, ოპოზიციონერმა დეპუტატებმა თეონა აქუბარდიამ და თინა ბოკუჩავამ პარლამენტში ბრიფინგი გამართეს, სადაც თქვეს, რომ მათ შეიმუშავეს რეზოლუცია, რომელსაც აქვს საპარლამენტო ოპოზიციის მხარდაჭერა და მოუწოდებს მთავრობას, დაუყოვნებლივ შეიყვანოს ოთხობორობა-ტატუნაშვილის სიაში თამაზ გინტურის მკვლელობაში დამნაშავეების სახელები. ასევე რეზოლუციით, ისინი მოუწოდებენ მთავრობას, რომ ოკუპაციის საერთო ეროვნული ხედეგა მიიღოს იმისთვის, რომ საქართველომ დეოკუპაციის და მშვიდობის პოლიტიკა გაატაროს.

„რეზოლუციის ტექსტი იმგვარად არის შედგენილი, რომ რადიკალური ოპოზიცია საქართველოს, ანუ თავის სახელმწიფოს, ვის პოლიტიკასაც ისინი წარმოადგენენ, სთხოვს და უყენებს პირობას, რომ საოკუპაციო რეჟიმის მიერ მოკლული თანამოქალაქის და გატაცებული, უკანონო ტყვეობაში მყოფი მოქალაქის შესახებ მოახდინოს რეაგირება. საკუთარ ქვეყანას სთხოვენ რეაგირება დაიწყეთო. ეს არის მანიპულაციური ტექსტი, თითქოს საქართველო აქამდე არაფერს აკეთებდა ოკუპაციის წინააღმდეგ და იმ უმძიმეს შემთხვევებზე, რომელიც მოხდა ამ წლების განმავლობაში, - განაცხადა პარლამენტის ვიცე-სპიკერმა არჩილ თალაკვაძემ.“

„ჩვენ გავაგრძელებთ მუნიციპალიტეტის მოსახლეობაზე ზრუნვას“...

დასაწყისი პირველი გვერდიდან/ მისასვლელი გზის მოწესრიგება...

ზემო მაჩხანაში მე-20 და 24-ე ქუჩების რეაბილიტაცია მიმდინარეობს...

არბოშიკი-მაჩხანის დამაკავშირებელი გზის რეაბილიტაცია მიმდინარეობს...

ყველამ იცით, რომ განხორციელდა ხორნაბუჯის ციხის რეაბილიტაცია...



ტორიატ. ის უკვე გახდა მიიმზიდველი სივრცე როგორც ადგილობრივებისთვის...

ანგარიშის დასრულების შემდეგ, დედოფლისწყაროს მუნიციპალიტეტის მერმა განუვლი შრომისათვის მუნიციპალიტეტის მერიისა და მერიის ა(ა)იპების თანამშრომლები მადლობის სიგელებით დააჯილდოვა...

ინგა შიოლაშვილი

არჩევნები ელექტრონული სისტემის გამოყენებით

რა სიახლეები ელოდება ამომრჩეველს 2024 წლის საპარლამენტო არჩევნებზე?

8 ნოემბერს, ცესკოს ორგანიზებით, დედოფლისწყაროს კულტურის სახლში, ადგილობრივი ორგანიზაციებისთვის არჩევნების ელექტრონული სისტემით ჩასატარებელი მორიგი ტრენინგი გაიმართა...

ტრენინგზე დამსწრე საზოგადოებას 2024 წლის საქართველოს პარლამენტის არჩევნების ელექტრონული სისტემის გამოყენებით ჩატარების შესახებ მიენოდა ინფორმაცია...

უბნები, რომლებიც საარჩევნო ოლქიდან დაშორებულია არაუმეტეს 20კმ და ასევე, არის 300-ზე მეტი ამომრჩეველი.

გეგმვის მიხედვით, რომ ტექნოლოგიების გამოყენებით არჩევნებში ხმას მისცემს ამომრჩეველთა რაოდენობის 89,08%.

3664 საარჩევნო უბნიდან განხორციელებული ცვლილებების შედეგად დარჩა 2775 საარჩევნო უბანი, საიდანაც არჩევნები:

დადგენილი კრიტერიუმების შესაბამისად ტექნოლოგიების გამოყენებით ჩატარდება - 1988 საარჩევნო უბანზე, მათ შორის, 206 ეთნიკურ საარჩევნო უბანზე (რაც შეადგენს ეთნიკური ამომრჩეველთა 67,53%);

ტრადიციული წესით ჩატარდება - 767 საარჩევნო უბანზე; - აღნიშნა დავით ნასრაშვილმა.

ტრენინგზე ასევე ისაუბრეს იმ საკანონმდებლო ცვლილებებზე, რომელიც ტექნოლოგიების კუთხით განხორციელდა. შეიცვალა:

საოლქო საარჩევნო კომისიის მიერ საუბნო საარჩევნო კომისიის ხელმძღვანელ პირთა არჩევის ახალი წესი;

საუბნო საარჩევნო კომისიის ხელმძღვანელი პირების და წევრების სერტიფიცირება;

საარჩევნო უბნის გახსნა კენჭისყრის დღის 6სთ და 45 წუთზე;

ერთზე მეტი ძირითადი საარჩევნო ყუთის და საარჩევნო ბიულეტენების ელექტრონული მთვლელი აპარატის გამოყენება;

ერთზე მეტი გადასატანი საარჩევნო ყუთი;

ტრადიციული წესით ჩატარებული საარჩევნო უბნების საარჩევნო ბიულეტენების ციფრულ ფორმატში გადაყვანა და ინტერნეტ-სივრცეში განთავსება;

საარჩევნო პროცესში გამოყენებული ტექნოლოგიური აპარატები

ლი ტექნოლოგიური აპარატები ამომრჩეველთა ვერიფიკაციისთვის გამოიყენება - viu desktop სინქრონიზებული აპარატი (უბანზე საშუალოდ -2-5); ხმის ელექტრონული დათვლისთვის კი - საარჩევნო უბნის ოპტიკური სკანერი, უბანზე არანაკლებ 2 აპარატი.

აღსანიშნავი ფაქტებია, რომ ელექტრონული სისტემით:

ამომრჩეველთა აქტივობის ზუსტი მონაცემები იბეჭდება კანონით დადგენილ შუალედებში;

ამომრჩეველთა საბოლოო აქტივობა ცნობილია კენჭისყრის დასრულებიდან 5 წუთში;

წინასწარი შედეგების გამოცხადება 1 სთ-ში;

ელექტრონული და ხელით დათვლის შედეგები 99,97%-ით ემთხვევა; ცნობიერების ამაღლების კამპანია ტარდება;

საჯარო უწყებებთან; სასწავლო დაწესებულებებში; მეტროსადგურებთან; საავტომობილო მოედებში;

რკინიგზის სადგურებზე; სახალხო დღესასწაულებზე; პროფესიული სწავლებისთვის და ცოდნის ასამაღლებლად ცესკოს მიერ განხორციელებული სასწავლო პროექტებია;

საარჩევნო ადმინისტრატორის კურსები;

ცესკოს საარჩევნო სკოლა; ცესკოს საარჩევნო ბანაკი; საარჩევნო პერიოდში განხორციელებული სწავლების სამიზნე ჯგუფებია;

საუბნო საარჩევნო კომისიის წევრები;

პოლიტიკური პარტიების წარმომადგენლები;

ადგილობრივი ორგანიზაციების დამკვირვებლები;

ელექტრონული მონაცემების სპეციალისტები;

დავით ნასრაშვილმა ელექტრონული მონაცემების გამოყენების დადებითი ასპექტებზე და იმ მითებზე ისაუბრა, რომელიც ელექტრონული სისტემით ხმის მიცემას ახლავს თან.

დადებითი მხარეები:

არჩევნებში ამომრჩევლის მონაწილეობის უწყუარო დადასტურება;

განმეორებით ხმის მიცემის/ვერიფიკაციის გამოცხადება;

ამომრჩეველთა სივრცით მანიპულირების დისკუსიის დასრულება;

ამომრჩეველთა სიაში ამომრჩევლის სწრაფი და ზუსტი ძებნა;

მარტივდება საარჩევნო პროცედურები;

ადამიანური ფაქტორით გამოწვეული შეცდომების მინიმუმამდე მცირდება;

მცირდება პროცედურული დარღვევების რისკი და შესაბამისი საჩივრების რაოდენობა;

უბანზე მნიშვნელოვნად მცირდება სტრესი, უნდობლობა და დაპირისპირება;

არჩევნების წინასწარი შედეგები ცნობილია დაუყოვნებლივ;

არჩევნების შედეგები არის ზუსტი და სანდო;

მითითებულია ელექტრონული არჩევნების მნიშვნელოვნად მცირდება მნიშვნელობა;

ელექტრონული არჩევნები ტარდება დისტანციურად, სახლიდან გაუსვლელად, ინტერნეტის გამოყენებით;

აპარატურა ინტერნეტთან არის დაკავშირებული;

შედეგების ხელით არ ითვლება;

ტრენინგის მიწოდება მანანა ლაშოშვილმა და დავით ნასრაშვილმა იმეტირებული საარჩევნო პროცესიც ჩაატარეს, სადაც ტრენინგის მონაწილეს თავად შეეძლო, ენახათ და გამოეცადათ ყველა ის პროცედურა, რაც შემდგომ ელექტრონული სისტემით ხმის მიცემისას იქნება გამოყენებული. შეხვედრა კითხვა - პასუხის რეჟიმში წარმართა და საკმაოდ ინფორმაციული აღმოჩნდა დამსწრე საზოგადოებისთვის.

შემაჯავრობა, რომ დედოფლისწყაროში სულ 20 საარჩევნო უბანი იქნება. აქედან არჩევნები 9 უბანზე (სოფლები: არბოშიკი, ოზაანი, გამარჯვება, ხორნაბუჯი, სამარკლო, ქალაქ დედოფლისწყაროს ადმინისტრაციული ერთეულის 4 უბანი) -ელექტრონული, დანარჩენ - 11 უბანზე კი, ტრადიციული მეთოდით ჩატარდება.

შუშუნა ყანაშვილი



თვითმმართველი ქალაქის ტერიტორიაზე არსებულ ყველა საარჩევნო უბანში;

მუნიციპალიტეტის ადმინისტრაციული ცენტრის ტერიტორიაზე არსებულ ყველა საარჩევნო უბანში;

საარჩევნო უბანზე, სადაც არჩევნები ელექტრონული საშუალებებით ჩატარდება ამომრჩეველთა საერთო რაოდენობა არ უნდა აღემატებოდეს 3000-ს;

ასევე ცესკოს მიერ განსაზღვრულ საარჩევნო უბნებში;

# ისტორიული გადაწყვეტილება მიღებულია

**„გადაწყვეტილება მიღებულია - ევროკომისია რეკომენდაციას აქვს ევროპულ საბჭოს, რომ საქართველოს დეკლარაციის კანდიდატის სტატუსი მიანიჭოს-იმ თვალსაზრისით, რომ უნდა განხორციელდეს ზომიერობის პრინციპი“.**

ალსანიშნავია, რომ 8 ნოემბერს გამოქვეყნებული ევროკომისიის ანგარიში საკმაოდ ვრცელია. დათქმებს რაც შეეხება, ესენია: პოლიტიკური პოლარიზაციის დაძლევა; სამართლიანი არჩევნების ჩატარების პირობა - განსაკუთრებით 2024 წლის საპარლამენტო არჩევნების კონტექსტში; ქვეყანაში ინსტიტუციური დამოუკიდებლობისა და მიუკერძოებლობის გაუმჯობესება - და ცესკოსთან ერთად, ჩამონათვალს დაემატებიან ეროვნული ბანკი და კომუნიკაციების მარეგულირებელი ეროვნული კომისია; სასამართლო რეფორმა - მათ შორის იუსტიციის უმაღლესი საბჭოსა და პროკურატურის ყოვლისმომცველი რეფორმა; კორუფციასთან ბრძოლა; დეოლიგარქიზაცია; ადამიანის უფლებების, უმცირესობების, მედიისა და სამოქალაქო აქტივისტების უფლებების დაცვა. ევროკომისია ასევე ყურადღებას ამახვილებს საჭიროებაზე, რომ საქართველომ თავისი საგარეო და უსაფრთხოების პოლიტიკა ევროკავშირისას დაუახლოვოს. ამჟამად ევროკავშირის საგარეო და უსაფრთხოების პოლიტიკასთან საქართველოს თანხვედრის მაჩვენებელი დაახლოებით 43%-ია, როდესაც ორი წლის წინ 60%-ს აჭარბებდა.

ანალიტიკოსი გია აბაშიძე აცხადებს, რომ ევროკომისიისგან სტატუსზე რეკომენდაციის გაცემა „სამართლიანობის აღდგენაა“. „სტატუსის მინიჭება სამართლიანობის აღდგენაა, საქართველო ნებისმიერი პარამეტრით კვლავ მონინავა სხვა კანდიდატ ქვეყნებთან მიმართებაში, უწინარესად უკრაინასთან და მოლდოვასთან. ეს ამ ქვეყნების სუვერენიტეტებს არანაირად არ აკნინებს, უბრალოდ ფაქტია ხაზგასასმელი და ამას არაერთი საერთაშორისო კვლევა ადასტურებს, რომ კორუფციასთან ბრძოლის, მართლმსაჯულების თუ სხვა საკითხების მხრივ საქართველო აღმოსავლეთ ევროპაში მონინავე ქვეყანაა“, - ამბობს აბაშიძე, რომლის თქმით, „რადიკალური ოპოზიციის ნარატივით, ეს ხალხს ეკუთვნის,

დიახ, ეს ხალხს ეკუთვნის, როგორც „ქართული ოცნების“, ისე ოპოზიციური პარტიის მხარდამჭერებს, სპეკულაცია, რომ სტატუსი ხალხს ეკუთვნის და არა ხელისუფლებას, ეს ძალიან გულუბრყვილო და უცოდინარი ადამიანების მხრიდან ნათქვამია. უცოდინრებს ვგულისხმობ პოლიტიკოსებს, რომლებიც ამაზე ნიშნისმოგებით ლაპარაკობენ. დიახ სტატუსი ყველასაა, მაგრამ მთავარი მომლაპარაკებელი კანონიერად არჩეული ხელისუფლება იყო.“

### სტატუსის მიღების უაღრესად საპარტოვლო პირობების შესახებ

საქართველომ ევროპისკენ ერთი დიდი ნაბიჯი გადადგა - ევროკომისიამ 8 ნოემბერს საქართველოსთვის კანდიდატის სტატუსის მინიჭების რეკომენდაცია გასცა. გარდა იმისა, რომ იგი პოლიტიკური მნიშვნელობის მოვლენაა, საყურადღებოა ეკონომიკური სარგებელიც, რომელიც შეიძლება ქვეყანამ კანდიდატის სტატუსის მინიჭებით მიიღოს. ეკონომისტების ერთი ნაწილი სწორედ ამ ბენეფიტებზე საუბრობს, თუმცა სპეციალისტების მეორე ნაწილი ამ შესაძლებლობებს გადაჭარბებულად მიიჩნევს. ეკონომისტების ერთი ნაწილის შეფასებით, კანდიდატის სტატუსის მინიჭება საქართველოს ეკონომიკური კეთილდღეობის გარანტიაა. როგორც ანალიტიკოსმა გიორგი ცუცქერიძემ აღნიშნა, იგი დადებით გავლენას მოახდენს ინვესტიციებზე, ექსპორტზე, სავაჭრო ურთიერთობების გაღრმავებაზე ევროკავშირის ქვეყნებთან, რაზეც საქართველო, წლებია, მისწრაფვის.

„როდესაც ქვეყანა იღებს ევროკავშირის კანდიდატის სტატუსს, ეს უკვე დიდი ნაბიჯია ევროკავშირის წევრობისკენ, რომელიც დაახლოებით 2028-29 წლების პერსპექტივაა. ევროკავშირის მიზანია გაფართოვდეს ახალი წევრებით და ამ კუთხით საქართველოც მოიაზრება. პირველ რიგში, სტატუსი ქვეყანას წმინდა ეკონომიკურ სარგებელს მოუტანს. დაეწყოს იმითი, რომ ქვეყანა როდესაც ხდება ევროკავშირის კანდიდატი, ეს არის სიგნალი ძალიან ბევრი უცხოელი და განსაკუთრებით ევროპელი ინვესტორებისთვის. ქვეყანას მიენიჭება

უფრო მაღალი მდგრადობის ხარისხი, რაც პირდაპირ აისახება საერთაშორისო რეიტინგებზე. ბუნებრივია, ჩვენი ქვეყნის რეიტინგებს წინ წასწევს, რასაც დროდადრო გვანიჭებენ უცხოური კომპანიები. სერიოზული ფაქტის წინაშე ვართ, საქართველო ხდება რეგიონში ერთ-ერთი სტრატეგიული პარტნიორი. ასეთი სტატუსი რეგიონში არც ერთ ქვეყანას არ აქვს, გარდა თურქეთისა. კანდიდატის სტატუსი ამ კუთხითაც არის მნიშვნელოვანი, რომ კავკასიის ცენტრი ვხდებით, რაც იყო ისტორიულად, როცა სამხრეთის კარიბჭედ მივიჩნეოდით“, - აცხადებს გიორგი ცუცქერიძე.

„ახლა ევროპა შემოდის საქართველოში და ჩვენ ვხდებით ევროპული ცივილიზაციის წევრი რეგიონში. სტატუსი სერიოზულად აისახება ინვესტიციებზე, საუბარია ასევე ყველა იმ პრიორიტეტზე, რაც ევროკავშირს აქვს. ეს არის მწვანე ენერჯეტიკა, ამ მიმართულებით დიდი ინვესტიციები წამოვა. აქედან გამომდინარე, შავი ზღვის კაბელის მეშვეობით გვაქვს შანსი არათუ გავატაროთ ელექტროენერჯია ევროპისკენ, არამედ ჩვენც ვანარმოთ და ევროკავშირის ქვეყნებში ელექტროენერჯიის ექსპორტი განვახორციელოთ. ეკონომიკაზე ეს მხოლოდ და მხოლოდ პოზიტიურად აისახება. გვექნება შესაძლებლობა, ძალიან ბევრი ინვესტორი მოვიზიდოთ, რომლებიც საქართველოში დაიწყებენ პროდუქციის წარმოებას და აქედან გავა ექსპორტზე, რაც დამატებით სამუშაო ადგილებს შექმნის“.

„როცა ვსაუბრობთ კანდიდატობიდან როგორ უნდა გავხდეთ ევროკავშირის წევრი, გვჭირდება გამართული ინფრასტრუქტურა, ახალი ტვირთთაკადების შემოსვლა, პორტების დატვირთვა და სხვა. ანაკლიის პორტის ეფექტიც სწორედ ეს უნდა იყოს. ამ ორმხრივ მოძრაობაში საქართველოს პერსპექტივა. ამას უნდა დაემატოს მომსახურების ექსპორტი, ციფრულ პლატფორმაზე გადასვლა, რა მიმართულებითაც ასევე დიდი პერსპექტივაა. გვაქვს ძალიან დიდი რეზერვი, რომ ამ მიმართულებით ინვესტიციები მოვიზიდოთ, ჯანდაცვის, განათლების სფეროების განვითარების თვალსაზრისითაც, დიდი პერსპექტივაა. ნამდვილად ღირსშესანიშნავი ფაქტია, მინდა

მიულოცო მთავრობას, პარლამენტს და დიპლომატიურ კორპუსს ქართველ ხალხთან ერთად და ყველას ვინც თითო აგური დადო ამ დღის შესაქმნელად“, - დაასკვნის გიორგი ცუცქერიძე.

კანდიდატის სტატუსის მინიჭებასთან დაკავშირებით ევროკომისიის რეკომენდაციას დადებითად აფასებს ეკონომისტი აკაკი ცომაია, თუმცა საუბრობს იმაზეც, რომ მოლოდინი ეკონომიკურ კეთილდღეობასთან დაკავშირებით გადაჭარბებულია. „ინვესტიციების კუთხით რაიმე ცვლილებას არ უნდა ველოდოთ. არ გვაქვს მოლოდინი, ვინაიდან კანდიდატის სტატუსი უნდა მივიღოთ (რეკომენდაციებია და არა საბოლოო გადაწყვეტილება), უცხოელი ინვესტორები დაიძვრებიან საქართველოსკენ. თუმცა, ევროკავშირის და ევროკომისიის დახმარება, გრანტები ინსტიტუციური რეფორმებისთვის, ინსტიტუციური პროექტების მხარდაჭერა გაიზრდება, რაც რეალურად მოსალოდნელია. ეკონომიკური აქტივობა შეიძლება ცოტათი გაიზარდოს, მაგრამ უმნიშვნელო იქნება. კანდიდატის სტატუსი ავტომატურად არ ნიშნავს ეკონომიკური აქტივობის ზრდას, ამას კავშირის წევრობა სჭირდება, მაგრამ აქამდე ვრცელი გზაა გასავლელი“, - აღნიშნა ცომაიამ და იმ ფაქტორებზეც დასძინა, რაც მისი თქმით, საქართველოს განვითარებისთვის დაბრკოლებაა.

„ელემენტარულად, სასამართლო სისტემა არ იცვლება, ამიტომ ფუნდამენტურად თუ არ შეიცვალა ვითარება, არ უნდა გვექონდეს მოლოდინი, რომ ეკონომიკური აქტივობა გაიშლება. ცხადია, ძალიან გადაჭარბებული შეფასებებია, არც ევროკავშირის წევრობა ნიშნავს, რომ საქართველო აყვავდება, ესეც გადაჭარბებული წარმოდგენაა. ჩვენი განვითარება დამოკიდებულია, რამდენად მოვახერხებთ სტრუქტურული რეფორმების განხორციელებას, ასევე რამდენად შევძლებთ და გავხდებით საერთაშორისო ბაზრებზე კონკურენტუნარიანი, რომ შევძლოთ მაღალტექნოლოგიური მომსახურების განვითარება, რაც მსოფლიო მასშტაბით გაიყიდება. ამ ყველაფერს თუ მოვახერხებთ, ნამდვილად მოგვცემს კეთილდღეობას მომავალში, სხვა ალტერნატივას ვერ ვხედავ“, - მიიჩნევს აკაკი ცომაია.





# სკოლები ავტორიზაციის მოლოდინში გამარჯვების საჯარო სკოლამ ავტორიზაცია წარმატებით გაიარა

დედოფლისწყაროს სამ საჯარო სკოლაში ავტორიზაციის პროცესი მიმდინარეობს, მათ შორის ერთი პროცესი წარმატებით დასრულდა. გასულ კვირას გაიკრვა, რომ გამარჯვების საჯარო სკოლამ ავტორიზაცია გაიარა. უკვე რამდენიმე თვეა ქ. დედოფლისწყაროს №2, სოფლების: გამარჯვებისა და ქვემო ქედის საჯარო სკოლებში ავტორიზაციის პროცესი მიმდინარეობს. უახლოეს მომავალში გაიკრვევა, რა დასკვნა დაიდება დედოფლისწყაროს მეორე და ქვემო ქედის სკოლებთან დაკავშირებით.

რამდენიმე თვის წინ „შირაქი“ წერდა, რომ პროცესი მუნიციპალიტეტის ოთხ სკოლაში მიმდინარეობდა და სექტემბრიდან კიდევ სამთანყაროს სკოლაზე შეუერთდებოდა. თუმცა, გაიკრვა, რომ მეოთხე, ანუ ზემო ქედის №2 საჯარო სკოლაში პროცესი ამ დრომდე არ დაწყებულია. გაიკრვა ისიც, რომ არც სამთანყაროს სკოლაში დაწყებულია, რადგან სკოლა სულ მალე ახლადრეაბილიტირებულ შენობაში გადასვლას გეგმავს და უმჯობესია პროცესი სწორედ იქ დაიწყოს და არა ნაქირავებ ფართში, სადაც ისინი უკვე მერამდენე სემესტრია სწავლობენ. სამთანყაროში სასწავლო პროცესი დაქირავებულ სახლებში სახელდასხვად მოწოდებულ საკლასო ოთახებში მიმდინარეობს.

განათლების ხარისხის განვითარების ცენტრის ხელმძღვანელი კახაბერ ერადე „შირაქს“ ეუბნება, რომ 2026-27 სასწავლო წლის დაწყებამდე საქარაუკუნო სკოლაში უნდა მოიპოვოს საჭიროების ბაზრძე-ლექსის უზღუდავ ავტორიზაციის გზით. ავტორიზაციის სკოლას სტატუსი 6 წლის ვადით ენიჭება. თუმცა თვითშეფასების ფორმები ავტორიზაციის სკოლაში ყოველწლიურად უნდა შეავსონ. მისი თქმით, მხოლოდ დოკუმენტების გამართულობა ავტორიზაციის მისაღებად საკმარისი არ არის. საბოლოოდ, სკოლები დალაგდება ჯგუფების მიხედვით - ყველაზე მაღალი შესაბამისობის სკოლები 2023 წელსვე

გაივლიან ავტორიზაციას, შედარებით დაბალი შესაბამისობის სკოლები 2024 წელს, ხოლო სადაც ყველაზე დაბალი შესაბამისობა იქნება, გეგმაში 2026 წელს ჩაჯდება.

საჯარო სკოლებში ავტორიზაციის პროცესი სასწავლო წლის დასრულებასთან ერთად დაიწყო. სკოლებმა კიდევ ერთხელ უნდა დაამტკიცონ, რომ მათთან სწავლისთვის შესაბამისი პირობები და ადამიანური რესურსია. მთელი ქვეყნის მასშტაბით სკოლები ავტორიზაციას ეტაპობრივად გაივლიან. არდადეგების პერიოდში შედგაგები შესაბამის ტრენინგებს გადიოდნენ. პირველ ეტაპზე პროცესი ქ. დედოფლისწყაროს №2, სოფლების გამარჯვებისა და ქვემო ქედის სკოლებში დაიწყო. დანარჩენი სკოლები მოლოდინის რეჟიმში არიან.

დეტალების დასაზუსტებლად გაზეთი „შირაქი“ დედოფლისწყაროს საგანმანათლებლო რესურსცენტრის ხელმძღვანელსა და პროცესში ჩართულ სკოლებს ესაუბრა.

**მაკა ჯანაშვილი (საგანმანათლებლო რესურსცენტრის უფროსი):** „გამარჯვების სკოლა იყო პირველი, სადაც ავტორიზაციის პროცესი დაიწყო. ამიტომ მათზე წინ სხვა სკოლა ვერ გაივლიდა ავტორიზაციის ეტაპებს. მალე ჩაინიშნება საავტორიზაციო საბჭოს სხდომაზე მეორე სკოლისთვისაც. ზემო ქედის №2 სკოლას პროცესი არ დაუწყია, თუმცა სკოლას არავითარი ხელისშემშლელი გარემოება არ გააჩნია საიმისოდ, რომ ავტორიზაცია წარმატებით გაიაროს. მოკლე პერიოდში ეს სკოლა ჩაერთვება და აუცილებლად გახდება ავტორიზაციის სტატუსის მქონე. როდესაც სამთანყაროს სკოლა საკუთარ შენობაში დაბრუნდება, შემდეგ დაიწყებენ საავტორიზაციო პროცესებს. სამთანყაროს სკოლის შენობაში სარეაბილიტაციო სამუშაოები თითქმის დასრულებულია... როდესაც ექსპერტთა ჯგუფი სკოლაში შედის და ამოწმებს, თუ რამდენადაა სკოლა მზად საიმისოდ, რომ მას მიენიჭოს ავტორიზაცია, ამის შემდეგ თითოეული იმ სკოლისთვის იმართება საბჭოს სხდომა, სადაც ექსპერტთა ჯგუფის მიერ წარდგენილი დასკვნის საფუძველზე გადაწყდება სკოლას მიენიჭოს ავტორიზაცია თუ არა. ახლა

ძალიან მალე ჩაინიშნება ქალაქის მეორე სკოლისთვის სხდომა, შემდეგ იქნება ქვემო ქედის დასკვნა. ამასობაში პროცესს შეუერთდებიან ის სკოლებიც, რომლებსაც არ დაუწყიათ პროცესი. ფაქტობრივად ყველა სკოლა უნდა გახდეს ავტორიზირებული. შესაძლოა, ყველა სკოლამ ვერ დააკმაყოფილოს ის კრიტერიუმები, რითაც ფასდება პროცესი. ამ შემთხვევაში სკოლას მიეცემა გონივრული ვადა საიმისოდ, რომ მან აღნიშნული რეკომენდაცია შესასრულოს და ყველაფერი გააკეთოს დადებით შედეგისთვის“.

ზემო ქედის №2 სკოლის დირექტორი **თამარ ნაზიარიძე** გაზეთ „შირაქს“ ეუბნება, რომ მზად არიან ავტორიზაციის პროცესი დაიწყონ, თუმცა როდის დაიწყება მისთვის უცნობია. **ინო სულიაშვილი (გამარჯვების საჯარო სკოლის დირექტორის მოვალეობის შემსრულებელი):** „მაღლობა მთელ სასკოლო საზოგადოებას, ვინც წვლილი შეიტანა სკოლის წარმატებაში. რესურსცენტრს, რომელიც მუდმივად მხარში გვედგა, განსაკუთრებული მადლობა ბუღალტერს, მოადგილეს და საქმის მწარმოებელს, რომლებიც მთელი ზაფხულის განმავლობაში, მთელი დღე და გვიან ღამემდე ჩემთან ერთად, შევბუღებისა და დამატებითი ანაზღაურების გარეშე ერთგულად მუშაობდნენ და ოჯახის წევრების ზარზე „ცოცხლები ხართ?“ პასუხობდნენ - „ჯერჯერობით“. საქმის ერთგულებამ და დიდმა შრომამ შედეგი გამოიღო - რაიონში პირველი ავტორიზირებული სკოლაა - გამარჯვების საჯარო. უზომოდ ბედნიერი ვარ! მაღლობა ჩემს ოჯახს, შვილებს, შვილიშვილებს, რომ მთელი ზაფხული მათი დედა და ბებია აღარ ვიყავი. მაღლობა ყველას ვინც სკოლას ვულშემატკივრობდა“.



**ლელა დარძული (ქვემო ქედის სკოლის დირექტორის მ/შ):** „ჩვენმა სკოლამ ავტორიზაციის მაძიებლის სტატუსი მიიღო, 16-17 ოქტომბერს გვეყავდა განათლების სამინისტროს ექსპერტთა ჯგუფი, რომელთაც ადგილზე შეამოწმეს ჩვენი მუშაობა და ახლა მათ დასკვნას ველოდებით“.

„შირაქს“ და შედეგ ჯგუფები, რომლებიც კონტროლს გაუწევდნენ თითოეული კათედრის მუშაობას. კათედრების მიხედვით გაიარეთ შესაბამისი ტრენინგები. ცალკე, თითოეული კათედრა მუშაობდა, სამინისტროს ჯგუფის ჩამოსვლამდე რამდენიმე დღით ადრე მოგვივიდა ჩამონათვალი, ძირითადად რაზე გაამახვილებდნენ ყურადღებას. კათედრებზე თავი მოვუყარეთ შესაბამის მასალებს. ჯგუფი როცა ჩამოვიდა, შეამოწმეს მასალები და თითოეულ კათედრას ცალკე-ცალკე გვექონდა ონლაინ-გასაუბრება უშუალოდ ჩვენი საგნის სამინისტროს წარმომადგენელთან. ე.წ. კურიკულუმებიც იყო სამინისტროს ჩამონათვალში, რაზეც ძირითადად ამახვილებდნენ ყურადღებას. ითხოვდნენ კომპლექსურ დავალებებს და უკვე შესრულებული კომპლექსურების ნიმუშებს. კურიკულუმში განვირეგეთ სახელმძღვანელოს ყველა პარაგრაფი და მონიშნულია ის თავი თუ ქვეთავი, რომელზეც ვაკეთებთ კომპლექსურ დავალებას, შესაბამის გრაფაში კი განვირეგეთ კომპლექსური დავალების შესრულებისთვის საჭირო მოქმედებები.“ - აღნიშნავენ პედაგოგები.

ილია მარტყოფლიაშვილი

## თაობათა ცვლა „ახალგაზრდულ იდეაში“

მოზარდებით დაკომპლექტებული არასამთავრობო ორგანიზაცია „დედოფლისწყაროს ახალგაზრდული იდეა“ მუშაობას კვლავაც აქტიურად განაგრძობს. გასულ თვეში გუნდში კიდევ ერთი ახალი ნაკადი მიიღეს. ამჯერად 7 მოსწავლე შეარჩიეს: ლიზა ბენაშვილი, გიორგი ლვე-დაშვილი, თათია ზოჭორიძე, ლუკა მენთეშაშვილი, ველი მამედოვი, ირაკლი საბიაშვილი და გურამ გოგაშვილი.

ევროპის ფონდის დაფინანსებით „დედოფლისწყაროს ახალგაზრდული იდეა“ 2010 წლიდან მოქმედებს და ამ ხნის მანძილზე არაერთი თაობა გამოიკვალა. მათ ანგარიშზეა უამრავი საინტერესო პროექტი, რომელიც ევროპული დაფინანსებით საკუთარ სოფლებსა თუ სკოლებში განახორციელებს. იდეა ყოველთვის აქტიურ მოზარდებს აერთიანებს.

როგორც „დედოფლისწყაროს ახალგაზრდული იდეის“ პრეს-სპიკერი ნინო მარტყოფლიაშვილი გაზეთ „შირაქს“ ეუბნება, ამჯერად ევროპის ფონდის ახალგაზრდული ინტეგრაციის პროგრამის ფარგლებში საქართველოს მასშტაბით 18 მუნიციპალიტეტში შექმნილია ახალგაზრდული იდეის კომიტეტები, რომლებიც თავიანთი მრავალფეროვანი აქტივობებით აგვარებენ ადგილობრივი თემის პრობლემებს.

**ინო მარტყოფლიაშვილი:** „ახალი წევრები სულ ორი კვირაა რაც გავიცანი. რამდენიმე დღის წინ უკვე იყვნენ კაჭრეთში, სასტუმრო ამბასადორში ტრენინგები გაიარეს, გადაინაწილეს სტატუსები და ვინცერთ ერთად მუშაობას. მათთან პირისპირ შეხვედრა ჯერ ჩვენ არ გვქონია, ამიტომ ჯერჯერობით მათზე სხვა ვერაფერს გეტყვით. მალე

დაიწყებენ კვლევის ჩატარებას. საზოგადოების გამოკითხვის შედეგად გამოიკვეთება სამი პრობლემა. შემდეგ ამ თემების ირგვლივ დეკემბერში გამოცხადდება საგრატო კონკურსი ამ სამ თემაზე. გამოცხადდება გამარჯვებული პროექტები, მიიღებენ დაფინანსებას და მოზარდები თავად განახორციელებენ მათ იდეებს. ახლა შერჩეული წევრები კი ამ ყველაფრის ორგანიზებას გააკეთებენ“.

**მარიამ ჯინჭარაძე (ევროპის ფონდის კოორდინატორი):** „ჩვენი მიზანია ახალგაზრდები ჩაერთოთ სამოქალაქო ცხოვრებაში და მათვე შეარჩიონ რა პრობლემებია საკუთარ სოფელსა თუ თემში. მათვე ვაძლევთ დაფინანსებას და შეუძლიათ საკუთარი თანატოლების იდეები დააფინანსონ. საგრანტო კონკურსი ყოველწლიურად ცხადდება და წელიწადში 4

იდეის დაფინანსება მოხდება. დაფინანსების მიღების შემდეგ შესაძლებლობა ჩნდება მოავგარონ რაიმე პრობლემატური საკითხი, რაც ადგილზე მათ აწუხებთ. ახლადშერჩეული გუნდი დედოფლისწყაროში სულ მალე გამოცხადდება იდეების მიღებას, შემდეგ თავადვე განიხილავენ და გამარჯვებულებს გამოავლენენ. სწორედ ამ მიზნით მათ ჩაუტარდათ გადაწყვეტილება და შეისწავლეს უნარ-ჩვევები, რის დახმარებითაც შეძლებენ ამ აქტივობებს გაუძღვნიან და მართონ პროცესი“.

რატომ? ჰქონდათ მოზარდებს ამ გუნდში მოხვედრის სურვილი, რამდენად რთული იყო შერჩევის პროცესი და რა გამოცდილების მიღების მოლოდინი აქვთ დედოფლისწყაროელ ახალგაზრდებს, ამ საკითხებზე „შირაქი“ შერჩეულ მოსწავლეებს ესაუბრა

**ლუკა მენთეშაშვილი:** „ახალგაზრდულ იდეაში“ მოხვედრა სულ მინდოდა, რადგან სურვილი მქონდა გამეუმჯობესებინა ჩემი შესაძლებლობები. ასევე ამით მეძლევა შესაძლებლობა ჩემი თემის პრობლემები მოვავგარო. ამ გუნდში მოხვედრა ჩემთვის ძალიან კარგია, რადგან აქ მიღებული პრაქტიკული გამოცდილება მომავალში აუცილებლად გამომაადგება“.

**თათია ზოჭორიძე:** „ახალგაზრდულ იდეაში“ მოხვედრის დიდი სურვილი მქონდა, რადგან ვფიქრობ, რომ მისი დახმარებით შესაძლებელია საკუთარი შესაძლებლობის წარმოჩენა და უფრო მეტად განვითარება. ასევე, შესაძლებელია სხვადასხვა პრობლემების ერთობლივად გადაჭრა. გარდა ამისა, „ახალგაზრდულ იდეაში“ თითოეულ წევრს აქვს შესაძლებლობა პიროვნული განვითარების. ეს გამოცდილება გვეხმარება კომუნიკაციის მარტივი და ეფექტური გზით დამყარებაში დიდი კონკურენცია იყო, ბევრს უნდოდა მოხვედრა. რთული კითხვები იყო და მარტივად არ მოხვედრილვართ. ჩვენი სკოლიდან ათი მსურველი იყო და მხოლოდ ხუთი დაგვამტკიცეს. დანარჩენი ორი წევრი სოფელ არხილოს კალოდანაა“.

რამდენიმე თვის წინ „შირაქი“ უკვე წერდა, რომ ზაფხულში, არდადეგების დაწყებამდე „ახალგაზრდული იდეის“ ძველმა წევრებმა წინა წელს განხორციელებული პროექტების ანგარიში წარადგინეს.

ილია მარტყოფლიაშვილი



# ელექტროსიგარეტის საფრთხეები

**მიუხედავად იმისა, რომ ჩვენს ქვეყანაში თამბაქოს მოხმარების წინააღმდეგ არაერთი ამკრძალავი წესი მოქმედებს, მოზარდებში სიგარეტის მოხმარება მაინც პრობლემად რჩება. თანაც, თამბაქოს მოხმარების გარდა, ბოლო პერიოდში ძალიან პოპულარული გახდა ე.წ. ვეიპები, ელექტრონული სიგარეტები, რომლების ყიდვაც მოზარდებს ძალიან მარტივად შეუძლიათ და ბევრი მათგანი ფიქრობს, რომ არანაირი საფრთხის შემცველი არაა მისი მოხმარება.**

თამბაქოს საფრთხეებზე, ასევე მარისხუანის მავნებლობაზე არაერთხელ გვისაუბრია, ამჯერად გადავწყვიტეთ, ელექტრონულ სიგარეტზე ვრცლად მოგვეძიებინა ინფორმაცია და სპეციალისტსაც მივმართეთ კომენტარისთვის. მანამდე კი ჩვენი რამდენიმე მკითხველის კომენტარს გთავაზობთ, როგორც მშობლის, ისე მოზარდის:

„ძალიან შეშფოთებული ვარ, დღევანდელ ბავშვებს რომ ვუყურებ. ქუჩაში შეიძლება მოდიოდეს 13-14 წლის მოზარდი და სიგარეტს მოაბოლებდეს. ადრეულ ასაკში სიგარეტის მოწევა ყოველთვის იყო პრობლემა, მაგრამ ასე მასობრივად მართლა არ მახსოვს გასული წლებიდან. გოგონებიც ასე საჯაროდ ნამდვილად არ ეწეოდნენ. ეს იმასაც ნიშნავს, რომ სხვა ქვეყნებისგან განსხვავებით, სადაც სრულიად „არამოდური“ გახდა თამბაქოს მოწევა, ჩვენთან პირიქითაა... ჯერ ისედაც სამინერალე ეკოლოგიურ გარემოში ცხოვრობს ეს თაობა და ახალგაზრდობიდანვე რომ სიგარეტით გაინადგურებს ფილტვებს, რა ჯანმრთელობა შერჩებათ. მეჩვენება თუ მართლაც ასე მომეტებულია ბავშვებში თამბაქოს მოხმარება, იქნებ თქვენც დამეხმაროთ ამის გარკვევაში“. ჩემი შეხების კლასში რამდენიმე თამბაქოს ეწევა, რამდენიმე კი ელექტროსიგარეტს და ვითომ ამტკიცებენ, რომ ეს სულ სხვა რამაა და უბრალოდ ერთობიან. საკმაოდ მომრავლებულია ელექტრონული სიგარეტით გატაცებული ბავშვები და მაინტერესებს, რა საფრთხეებს შეიცავს სინამდვილეში?“ „ბევრი ჩემი ტოლი ეწევა. სიგარეტს იმდენი არა, რადგან არც ყველა მალაზიაში იყიდება და შეიძლება ბავშვს არც მიჰყიდონ. ზოგს სიგარეტის გემო არ მოსწონს და ურჩევნიათ ელექტროსიგარეტი მონიონ. იმას ნაირ-ნაირი არომატი აქვს, ატმის, მანგოს... ტიკტოკზეც უკვე ძალიან ტრენდული გახდა ამ მოწყობილობის გამოჩენა. დგას ვინმე ქართველი თინიჯერი და ვიდეოში გაჩვენებს, რამდენი არომატის ელექტროსიგარეტი აქვს დაგროვილი. სუპერმარკეტებში იყიდება და მგონი 20 ლარი ღირს. ჩემმა ნაცნობებმა ყველამ თვითონ იყიდა, უპრობლემოდ მოგაციანა, არ გიშლის ხელს, ბავშვი რომ ხარ. გოგონებიც და ბიჭებიც ეწევიან, თუმცა ჩემ ირგვლივ უფრო მეტი ბიჭი ეწევა. სკოლაშიც მოაქვთ. ტუალეტშიც ეწევიან და კლასშიც. გაკვეთილზეც მოწევიან. მასწავლებლები ზურგით იყო მიბრუნებული და ფიქსკენ, ამოიღო ჩემმა კლასელმა, გააბოლა და კვამლი ხელით უცებ გაანიავა. სუნით ვერ მიხვდები, რომ ოთახში ვინმემ მოწია. ამით ძალიან მოხერხებულია. დასვენებებზე კლასში ეწევიან, თან ერთის პირში ნადები შეიძლება სხვებმაც მოწიონ. ვინც მუდმივად ეწევა და სკოლაში ყოველთვის მოაქვს, იმისას სხვებიც სინჯავენ. ვითომ არ ეწევა, მაგრამ რა მნიშვნელობა აქვს, თვითონ არ ყიდულობს, სამაგიეროდ, კლასელებისას ეწევა. ამ პანდემიის დროს ერთ-მანეთის პირში ნადები ნივთი მართლა საშიშრელებაა, მაგრამ მაინც ტრენდულია - თუ ეწევი, კაი ტიპი ხარ, ან პირიქით... მშობელი ვერ მიხვდება, რადგან სუნი არ აქვს, ზოგამა შეიძლება უცებ ვერც იცნოს, რა არის“.

**რა არის ელექტრონული სიგარეტი**  
ელექტრონულმა სიგარეტმა უზარმაზარი პოპულარობა განსაკუთრებით ბოლო პერიოდში მოიპოვა, მისი მომხმარებლები კი ხშირად მოზარდები არიან. სწორედ ამიტომ, მეცნიერებმა მთელი მსოფლიოს მასშტაბით დაიწყეს შესწავლა, რა ზიანის მოტანა შეუძლია ელექტრონულ სიგარეტს მოზარდის ჯანმრთელობისთვის.

კვლევების შედეგად ცნობილი გახდა, რომ მის ორთქლში შემავალი ნიკოტინი მნიშვნელოვან გავლენას ახდენს ადამიანის თავის ტვინზე, ნერვულ სისტემასა და გულზე. ასევე, ის არტერიული წნევისა და გულისცემის მატებას განაპირობებს, რამაც შესაძლოა ართიმია გამოიწვიოს. ზოგჯერ, ნიკოტინის მაღალი დოზის მიღების შედეგად სასიკვდილო შედეგიც კი დადგეს. ასევე, კვლევებით დადგინდა, რომ მასში შემავალმა ორმა ინგრედიენტმა, გლიცერინმა და პროპილენგლიკოლმა შესაძლოა გამოიწვიოს ფილტვების, ბრონქებისა და კუჭ-ნაწლავის სისტემის პათოლოგიური დარღვევა.

გარდა ამისა, ის იწვევს დამოკიდებულებას და თუ მოზარდი კვლავ არ გამოიყენებს, შეიძლება გაუჩნდეს დადებითი დეპრესიისა და გალიზიანების განცდა. ნიკოტინის მუდმივი გამოყენება, თუნდაც მცირე რაოდენობით, სერიოზულ დაავადებებს იწვევს. ზემოთ ჩამოთვლილი პრობლემების გარდა, შესაძლოა გამოიხატოს: გასტრიტი, კუჭის წყლული, გულის პრობლემები. ნიკოტინის გამოყენება, ნებისმიერი ფორმით, შესაძლოა დამოკიდებულებისა და სიგარეტის მოწევის წინაპირობა გახდეს. ამიტომაც, მოზარდს უნდა ჰქონდეს ინფორმაცია, რა ზიანი ადგება მის ორგანიზმს ელექტროსიგარეტის გამოყენებით.

ელექტროსიგარეტი შესაძლოა ინჰალატორს შევადაროთ, რომელიც სითხის ჩასხმა აუცილებელია. ეს სითხე კი შედგება: გლიცერინისგან, პროპილენგლიკოლისგან, არომატული დანამატებისგან და ნიკოტინისგან, თუმცა ყოველთვის არაა. მწველებს მთავარი არგუმენტი არის ის, რომ ელექტრონული სიგარეტი უსაფრთხოა. სინამდვილეში კი სპეციალისტები ამბობენ, რომ ელექტრონული სიგარეტის მოწევის დროს გამოყოფილი ორთქლი 31 საშიშ ნივთიერებას შეიცავს. გარდა ამისა, იმ არომატების 75 %-ში, რომლებიც გამოყენებულია ელექტრონულ სიგარეტში, ტოქსიკური ქიმიური ელემენტები აღმოაჩინეს. უფრო ზუსტად კი ნივთიერება დიაგნოსტიკური ბრონქოლოგის ანთეზისა და ნაწინებების ნარმოქმნას იწვევს. გარდა ამისა, სითხეში შემავალი ნივთიერებები, როგორცაა იგივე პროპილენგლიკოლი, იწვევს დამოკიდებულებას, ასევე ალერგიულ რეაქციებს, არღვევს ძილის ფუნქციას, აზიანებს თირკმელს. პროპილენგლიკოლისა და გლიცერინის დაშლა ტოქსიკური ორგანოზიზმისთვის. აზიანებს თვალის ლორწოსა და სასუნთქ სისტემას, იწვევს ცრემლდენას და მუტაგენურ თვისებებსაც ავლენს. ელექტრონული სიგარეტის გამოყენებით ზიანდება ასევე ცენტრალური ნერვული სისტემა. ნიკოტინის ხშირი და ზედმეტი დოზით გამოყენებამ კი შესაძლოა სიმსივნის რისკები გაზარდოს. გარდა ამისა გამოიწვიოს თავბრუსხვევა, გულისრევა, თავისა და მუცლის ტკივილი, დიარეა, ზოგადი სისუსტე. ასევე, არის შემთხვევები, როდესაც ელექტრონული სიგარეტს ქარხნული წუნი აქვს, ფეთქდება, ტყდება და აზიანებს მომხმარებლის სახეს. გარდა ამისა, რამდენიმე ადამიანში ერთი ელექტრონული სიგარეტის გამოყენება ზრდის სხვადასხვა ინფექციის გადადების რისკებს, მაგალითად, როგორებიცაა ჰეპატიტი და ტუბერკულოზი.

ყველა მწველმა უნდა იცოდეს, რომ ეს არ არის სიგარეტის მოწევის კარგი ალტერნატივა და ელექტროსიგარეტის გამოყენებამ შესაძლოა ძალიან მძიმე დაავადებების განვითარება გამოიწვიოს.

მსოფლიოში უკვე მრავალი ფაქტი არსებობს, როცა ელექტრონული სიგარეტის გამოყენების გამო მოზარდები სერიოზულად დაზიანდნენ. მაგალითად, ამერიკის შეერთებულ შტატებში მოზარდს ფილტვის გადანერგვა დასჭირდა. რუსეთში კი ფილტვის სერიოზული დაზიანება გამოიწვია. უფრო კონკრეტულად კი, 17 წლის ბიჭს სუნთქვის მწვავე უკმარისობა განუვითარდა, რომელიც შესაძლოა ფატალურად დასრულებულიყო. საბედნიეროდ, ექიმებმა დროულად აღმოუჩინეს დაზიანება და გაარკვიეს, რომ ელექტრონულ სიგარეტში შემავალი ნივთიერებებისგან დადგა ეს შედეგი. პოსტიტალიზაციამდე 2 კვირით ადრე ბიჭს ქოშინი, ხველა, კუჭის ტკივილი და ტემპერატურა განუვითარდა. გარდა ამისა, დაიკლო 10 კილოზე მეტი. ცნობილია, რომ ის თვე-ნახევრის განმავლობაში ელექტროსიგარეტს იყენებდა. ამ დროისათვის, პაციენტი უკვე სახლშია განწერილი და მეთვალყურეობის ქვეშ რჩება.

**ექიმები ერთხმად თანხმდებიან, რომ ელექტრონული სიგარეტების გამოყენებას ფილტვების სერიოზული დაზიანების გამოწვევა შეუძლიათ.**

ორ ჯგუფად იყოფიან ელექტროსიგარეტის მწველები: სიგარეტის ყოფილი მწველები და ახალი „სიგარეტის“ მწველები. მისი გამოყენების მიზანი კი სხვადასხვაა. მაგალითად, მისი დახმარებით შეწყვიტონ სიგარეტის მოწევა, მოიცილონ თამბაქოს არასასიამოვნო სუნი, ეს შეიძლება იყოს ფსიქოლოგიური ჩვევა ან კიდევ ინტერესი. მწველები თვლიან, რომ ელექტრონული სიგარეტის გამოყენება აბსოლუტურად უსაფრთხოა, თუმცა როგორც უკვე აღვნიშნეთ, სულ უფრო მეტი კვლევა ქვეყნდება ფაქტის საწინააღმდეგოდ.

თუ მშობელი ხართ და უკვე იცით, რომ თქვენი შვილი იყენებს ელექტროსიგარეტს და თან, აქტიურად, მაშინ, როცა აკრძალვას გადაწყვეტთ, აუცილებელია ნაბიჯ-ნაბიჯ მიხვიდეთ შედეგამდე. პირველ რიგში, შვილს შეუდგინეთ სამოქმედო გეგმა, კონკრეტული თარიღი დაუწესეთ, რომლიდანაც შეწყვეტს გამოყენებას. იქამდე, ნელ-ნელა შეამცირეთ მოწევის ინტენსივობა, მოიფიქრეთ თავისუფალი დროისთვის სახალისო აქტივობები, მაგალითად, სპორტული აქტივობები, მუსიკა, ხატვა და სხვა. უფრო მეტიც, სასურველია მსგავს აქტივობებში ხელები იყოს ჩართული და მოზარდს შემოქმედებითი თვითრეალიზაციის შესაძლებლობა მიეცეს. ამ დროს, მნიშვნელოვანია მწველ თანატოლებთან ერთად არ ნაყიდეს გასართობად, რომ კვლავ არ მოუნდეს გამოყენება. გამოუმუშავეთ ნებისყოფა, მაგრამ ძალიან ფრთხილად იყავით. პირდაპირი და მკაცრი აკრძალვის შემთხვევაში, შესაძლოა, საპირისპირო ეფექტი გამოიწვიოს. ყურადღება უნდა გადაატანოთ და ნაბიჯ-ნაბიჯ ნარმართოთ პროცესი. გარდა ამისა, ზუსტად უნდა აუხსნათ, რა ზიანს აყენებს მის ჯანმრთელობას

ელექტროსიგარეტის გამოყენება. ასევე, ვუთხრათ, რა უპირატესობა ექნება, თუ თავს დაანებებს, მაგალითად, უფრო მეტი ჯიბის ფული დარჩება, მოემატება ძალა და ენერჯია. ეს სია დაუდგეთ იმ მაგიდაზე, სადაც მეცადინეობს. ოჯახის წევრების მხარდაჭერის გარეშე მოზარდს ამ პრობლემასთან გამკლავება ძალიან გაუჭირდება. როდესაც თქვენს შვილს ესაუბრებით და ეუბნებით, თავი დაანებოს მოწევას, აუცილებლად უნდა გამოხატოთ მხარდაჭერა და თანაგრძობა. ძალიან მნიშვნელოვანია, რომ იცოდეს, ამას საკუთარი თავისა და ჯანმრთელობისთვის აკეთებს.

კავკასიის მედიცინის ცენტრის ექიმი ტოქსიკოლოგი ოთარ დიხამინჯია განმარტავს, რა საფრთხეს შეიცავს ელექტრონული სიგარეტი: „ელექტრონული სიგარეტი წარმოადგენს ელემენტზე მომუშავე მოწყობილობას, რომელიც იწვევს მასში მოთავსებული სითხის აორთქლებას და აეროზოლის წარმოქმნას. თავდაპირველად, ელექტრონული სიგარეტი გამოჩნდა ჩინეთის ბაზარზე, 2003 წელს, ხოლო 2006 წლიდან ევროპასა და ამერიკის შეერთებულ შტატებში. დღიდან მისი გამოჩენისა, დაიხვეწა მოწყობილობის დიზაინი და მასში შემავალ სითხეში არსებული კომპონენტები გამრავალფეროვნდა.“

ელექტრონული სიგარეტის მოხმარების სტატისტიკა მზარდია, როგორც ახალგაზრდებში, ასევე, განსაკუთრებით, მოზარდებში, რაც საზოგადოებრივი ჯანდაცვის სამსახურის სერიოზულ შეშფოთებას იწვევს. ელექტრონულ სიგარეტში შემავალი კომპონენტები მრავალფეროვანია: ნიკოტინი, პროპილენგლიკოლი, არომატიზატორები (ამ ეტაპზე გამოიყენება 7000 დასახელების არომატიზატორი).

ელექტრონული სიგარეტით გამოწვეული მავნე ეფექტები ბოლომდე არ არის შესწავლილი და ამ დრომდე ინტენსიურად მიმდინარეობს სხვადასხვა ქვეყანაში მულტიცენტრული კვლევები, თუმცა გარკვეული ინფორმაცია მის მავნე გავლენებზე უკვე არსებობს.

ნიკოტინით გამოწვეული მავნე ეფექტები, დამოკიდებულია ელექტრონულ სიგარეტში ნიკოტინის შემცველობაზე. ნიკოტინი უარყოფით გავლენას ახდენს გულსისხლძარღვთა სისტემაზე და წარმოადგენს მიოკარდიუმის ინფარქტის განვითარების რისკ-ფაქტორს.


ელექტრონული სიგარეტის ორთქლის მავნე ეფექტები: ელექტრონული სიგარეტის კვამლი, განსხვავებით ტრადიციული სიგარეტისგან, მართალია, არ შეიცავს ისეთ მავნე პროდუქტებს, როგორებიცაა: ნახშირბადის მონოქსიდი (CO), მავნე აირები და ა.შ. თუმცა 2019 წელს დაავადებათა კონტროლის ცენტრის მიერ აშშ-ში აღწერილი იქნა 2000-ზე მეტი შემთხვევა, როდესაც ელექტრონული სიგარეტის ხანგრძლივად მომხმარებლებს განუვითარდათ ელექტრონული სიგარეტის ორთქლით გამოწვეული ფილტვების მძიმე დაზიანება და საჭირო გახდა შესაბამისი სპეციალისტების, პულმონოლოგების, ჩართვა მათ მკურნალობაში.

ამ დრომდე, შესწავლის საგანს წარმოადგენს ასევე ელექტრონული სიგარეტის ორთქლით გამოწვეული ისეთი მავნე ეფექტები, როგორებიცაა, ქრონიკული ხველა და ბრონქიტი.

მიმდინარეობს კვლევები პროპილენგლიკოლის კანცეროგენულ გავლენაზე ორგანიზმზე, ასევე სახადასხვა არომატიზატორში მძიმე მეტალების შემცველობაზე.

მოწევისთვის თავის დანებებაში არ არის დადგენილი ელექტრონული სიგარეტის როლი. ამერიკის შეერთებული შტატების წამლის სააგენტოს მიერ ელექტრონულ სიგარეტს არა აქვს მინიჭებული ავტორიზაცია, როგორც მწველობისთვის თავის დანებების სამედიცინო საშუალებას.

**ყოველგვარი ზემოთქმულის გათვალისწინებით, ელექტრონული სიგარეტი, ისევე, როგორც ტრადიციული სიგარეტი, წარმოადგენს ორგანიზმის ჯანმრთელობისთვის საზიანო პროდუქტს და მისი გამოყენება არ არის რეკომენდებული.**





# თამაზ ყარაგვეზაშვილის მებრძოლები ახალ სახეობებშიც წარმატებებს აღწევენ

ქალაქ თბილისში, აღმოსავლეთ ევროპის უნივერსიტეტის ბაზაზე აღმოსავლური ორთაბრძოლა „ტოკიმა“-ს საერთაშორისო მსოფლიო ორთაბრძოლის ფესტივალი გაიმართა. ფესტივალზე მონაწილეობა მიიღეს სხვადასხვა ქვეყნის სპორტულმა გუნდებმა ჩემპიონატის ორგანიზატორი და ხელმძღვანელი იყო საქართველოს დამსახურებული მწვრთნელი, დედოფლისწყაროს საპატრიოტო მოქალაქე თამაზ ყარაგვეზაშვილი.

ორთაბრძოლების მსვლელობა მიმდინარეობდა ოქტაგონზე, შოუ პროგრამის თანხლებით, რომელიც წარმოადგინეს ქ.თბილისის ქორეოგრაფიულმა ანსამბლმა „აისი“-მ და დედოფლისწყაროს თანამედროვე ცეკვების სტუდია „ვარსკვლავებმა“. ჩემპიონობა მოიპოვეს სხვადასხვა ასაკობრივ ჯგუფებში და წონით კატეგორიაში მებრძოლებმა:

**ირანნი: ფარშად მორშედი, ამიბას სეფი; მოჰამადრემა ხადივი; ალიენ ზადენი; მათინ პუჟმანფარი; აზერბაიჯანნი: ალიენ ელიევი ასევე,** საქართველოს გამარჯვებული სპორტსმენები სხვადასხვა ქალაქებიდან:

**რუსთაველი (მწვრთნელი ზურაბ ჩიტრიკაშვილი):**

- მათე ჩხეტიანი;
  - დავით ნიორაძე;
- თიანეთი (მწვრთნელი მიშა გორთამაშვილი)**
- გიორგი მოსახლიშვილი;
  - მიხეილ ჯიმშიტაშვილი;
  - ოთარ ნოზონავა;
- სიღნაღი (მწვრთნელი დავით სარდალაშვილი):**
- თორნიკე სიმონიშვილი;
  - მარიამ დარჩიაშვილი;
- ბარდბაზანი:**
- მურად ახესოვი;
  - იმთ მამედოვი;
  - ემრე გაჯიევი;
  - ფაშა ბაირამოვი;

**ქ. თბილისი:**


- დავით ბოსტოლანაშვილი (მწვრთნელი იგორ დენისენკო)
- დავით ჯანჯალია (მწვრთნელი გიორგი კანკავა)
- ლალა სოზიაშვილი (მწვრთნელი ნიკა ბეგოიძე)
- მარიამ ფაილოძე (მწვრთნელი ნიკა ბეგოიძე)
- ელენე ლოლაძე (მწვრთნელი ნიკა ბეგოიძე)

**ქ. დედოფლისწყარო (მწვრთნელი თამაზ ყარაგვეზაშვილი)**

- მარიამ ჩაჩანიძე
- სლომე ჩოქოშვილი
- თამარ მირზაშვილი
- გიორგი ჯამასიშვილი
- ლუკა ტუშასიანი
- გიორგი ქადაგიშვილი
- მიხეილ გაღდასარიანი

**თამაზ ყარაგვეზაშვილი (მწვრთნელი):** „ეს კიკბოქსინგი არ არის, ახალი სახეობა და ჩემი გუნდიც გამოემცა და მასში. საქართველოში ასეთი რამ პირველად ჩატარდა. ჯერ დედოფლისწყაროში ვაპირებდი გამართვას, მაგრამ ვინაიდან სხვა ქვეყნებიც ჩამოვიდნენ და მათ დაბინავება ჭირდებოდათ, გადავწყვიტეთ თბილისში გამართოთ, თორემ მთლიანად ჩემი ორგანიზებული იყო ყველაფერი. ეს სახეობა ისეთია, უნივერსალური მებრძოლი უნდა

ვა. ნოკაუტით მოიგო ირანელთან. ბიჭებიც კარგად გამოვიდნენ. გიორგი ჯამასიშვილმაც ნოკაუტით მოიგო, ტუმსიანი და ქადაგიშვილიც კარგად გამოვიდნენ. ამ ჩემპიონატის საუკეთესო ბრძოლა ჩაატარა მიხეილ ბაღდასარიანმა.



იყოს და ყველა ტექნიკაში ძლიერი. რაც მთავარია, მსაჯები მთლიანად უცხოელები იყვნენ, მაღალი რანგის საერთაშორისო მსაჯები. მათი შეფასებების მიუხედავად დედოფლისწყაროლებმა წარმატების მიღწევა შეძლეს. ყველაფერმა იდეალურად ჩაირა. ჯერ მხოლოდ 16 ირანელი გოგონა იყო ჩამოსული და ძალიან მოვიდნენ, რომ მთელი საქართველოდან მათთვის სათანადო მეტოქეები შემერჩია. რაც შეეხება ჩემს მებრძოლებს, მარიამ ჩაჩანიძემ დიდი სტიმული მოგვცა. ჯერ მხოლოდ 11 წლისაა, პირველად გაიყვანე ამ დონის ტურნირზე და ძალიან კარგი გამოსვლა აჩვენა. ის ყველაზე პატარა მონაწილე იყო და მართლა არ ველოდი, თუ ასე კარგად გაითავისებდა მის დაველებას. მიუთითე, რომ მას ქართველობა უნდა დაეცვა და უცხო ქვეყნების წინაშე ესახელებინა ჩვენი ქვეყანა. როგორც ჩანს ეს სულიერიველება გავლენიანი გოგონათა ბრძოლები მან გახსნა და ისეთი სახე აჩვენა, მაყურებელი გადარია. სალომე ჩოქოშვილი საქართველოს ჩემპიონია კრივში, მაგრამ ინტენსიურ ვარჯიშს ვეღარ ახერხებს, კარგად ვერ მოემზადა, მაგრამ კლასი მაინც აჩვენა. თამუნა მირზაშვილი მძიმე წონაში გამოდიოდა და მოგვსენებდათ ეს სულ სხ-

ვა. ნოკაუტით მოიგო ირანელთან. ბიჭებიც კარგად გამოვიდნენ. გიორგი ჯამასიშვილმაც ნოკაუტით მოიგო, ტუმსიანი და ქადაგიშვილიც კარგად გამოვიდნენ. ამ ჩემპიონატის საუკეთესო ბრძოლა ჩაატარა მიხეილ ბაღდასარიანმა.

რაც შეეხება ჩემთვის გადმოცემულ ქამარს — ზოგადად, როცა მასწავლებელი ჯილდოვდება, ეს იმას ნიშნავს, რომ მის შრომას უკვალოდ არ ჩაუვლია და ხელმძღვანელობა თუ საზოგადოება ხაზს უსვამს მის ღვაწლს პედაგოგიურ საქმიანობაში. ამიტომ ძალიან გამიხარდა, რომ გამოიჩინეს ყურადღება და დამაჯილდოვეს წლები მანძილზე განუწელი შრომისთვის. მაღლობა ყველა იმ ადამიანს, ვინც მხარში მიდგას ახალგაზრდობის აღზრდის და სპორტულ არენაზე მათი წარმოჩენის საქმეში“.

**თამარ მირზაშვილი:** „სიმართლე გითხრათ ასე მოკლე დროში არ ელოდი წამდვილად გამარჯვებას. ჩემი მონაწილედ გეც ძლიერი მებრძოლი იყო, მაგრამ მაინც შევძელი დამარცხება. ჩემი მწვრთნელის

თამაზ ყარაგვეზაშვილის დამსახურებით. ბავშვობიდან ჩემი ოცნება იყო კრივი. ყოველთვის მომწონდა ეს სპორტი და მქონდა სურვილი მეგლო. მიუხედავად იმისა, რომ თბილისში ვმუშაობ და ამის გამო სათანადო რეჟიმში ვერ ვვარჯიშობ, ბოლომდე ჩართული ვერ ვარ, მაგრამ ჩემმა შრომამ შედეგი მაინც გამოიღო. თამაზი მასწავლებელი ძალიან მნიშვნელოვანი ადამიანია ჩემთვის. არ ვიცი როგორ აგისნათ, ის ყველაფერია ჩემთვის, მწვრთნელიც, მეგობარიც, დამრიგებელიც. ფსიქოლოგიურად იმდენად მედგა გვერდში, რომ ყოველთვის იმედით მავსებდა. რა სიტუაციაშიც არ უნდა ვიყო, ის ჩემი საყრდენია. მართლა საუკეთესო ადამიანია, მიხარია რომ ვიცნობ და ის ჩემი მწვრთნელია“.

**სალომე ჩოქოშვილი (ტურნირის ჩემპიონი):** „მოგება გამიჭირდა, რადგან ფორმაში არ ვიყავი, სათანადოდ ვერ მოემზა. თუმცა, შესაძლებლობების მაქსიმუმი დავდე. ვარჯიში 8 წლის წინ თამაზ ყარაგვეზაშვილთან ერთად დავიწყე და დაახლოებით 3 წელია სერიოზულად მოვეკიდე. ვფიქრობ, ჩემთვის შესანიშნავი შესაძლებლობაა და გატაცება, სადაც მომავალში ვხედავ საკუთარ თავს და პოტენციალს.

**სალომე ჩოქოშვილი (ტურნირის ჩემპიონი):** „მოგება გამიჭირდა, რადგან ფორმაში არ ვიყავი, სათანადოდ ვერ მოემზა. თუმცა, შესაძლებლობების მაქსიმუმი დავდე. ვარჯიში 8 წლის წინ თამაზ ყარაგვეზაშვილთან ერთად დავიწყე და დაახლოებით 3 წელია სერიოზულად მოვეკიდე. ვფიქრობ, ჩემთვის შესანიშნავი შესაძლებლობაა და გატაცება, სადაც მომავალში ვხედავ საკუთარ თავს და პოტენციალს.

რა თქმა უნდა, მწვრთნელის დახმარებით. სწორედ მან შემაყვარა ეს სპორტი და დამანახა საკუთარი თავი უფრო უკეთესად. სირთულეების და პრობლემების მიუხედავად, ვვარჯიშობ როგორც შემოიღია და მომავალში უფრო მეტს მოვიწოდებ და იმედი მაქვს საუკეთესო შედეგს დავდე“.

**გიორგი ჯამასიშვილი:** „4-5 დღით ადრე გავიგე რომ ასპარეზობისთვის 6 კილოს დაკლება მიწევდა. ყოველდღე 5 საათზე ვდგებოდი და დავრბოდი, რომ ჩამებარებინა. როცა მოვალეობა მაკისრია, ყოველთვის ვასრულებ. ბოლო ორი დღე ძალიან გამიჭირდა წონის კლება. საბოლოო ჯამში, ძალიან კარგად ვემზადებოდი და ამაში დიდი წვლილი შეიტანა თამაზ ყარაგვეზაშვილმა და ჩემმა თანაგუნდელმა ვალერი რამაზანაშვილმა. თბილისში რომ ჩავედით და ავიჩინეთ, სასურველი წონა ჩავაბარე. თუ წინა არ დაემთხვევა, ვერ იასპარეზებ. ხოლო მეორე დღეს მივხვდი რომ ჩემი ამდენი შრომისა და წონის კლების წყალობით ჩაყრა არ ივარგებდა და ბრძოლა არ უნდა ნამეგო. ამ იმედით შევედი რინგზე და მეორე რაუნდში ტექნიკური ნოკაუტით მოვიგე, ირანელი მეტოქე დავამარცხე. ეს სხვა წესები იყო, მაგრამ სანამ შეჯიბრზე გავიდოდით, ზუსტად აგვისხსნეს დეტალები დარბაზში და მივეჩვიეთ. ამიტომაც გვავარჯიშეს და ადვილად მოვერგეთ სპორტის ახალ სახეობას“.

**ნათია ფავლიანიშვილი: (მარიამ ჩაჩანიძის მშობელი):** „ბავშვობისას მეც დავდიოდი კიკბოქსინგზე თამაზი მასწავლებელთან და ამიტომაც სულ მქონდა სურვილი, ჩემს შვილებს სპორტის ამ სახეობაზე ევლოთ. თავდაპირველად მისი ძმა დადიოდა კიკბოქსზე, მარიამი კი აქტიურად გულშემატკივრობდა. რადგან ლუკას არაერთი წარმატება ჰქონდა, მარიამსაც მეტი ინტერესი გაუჩნდა, სტიმული მიეცა და ბოლო ხანს სურვილი გამოხატა, რომ ამ სპორტში ძალები მასაც მოეხიწვა. რადგან ვარჯიშზე სიარული აბსოლუტურად უფასო იყო, აღარც დავფიქრებულვარ, გადავწყვიტეთ, გოგონაც შეგვეყვანა. თამაზი მასწავლებელი საოცრად კარგი ადამიანია, არ ეშლება ნიჭის აღმოჩენა. მარიამსაც მალე შეატყო მონაცემები და გამოთქვა სურვილი, მეტი დატვირთვით ევარჯიშა. მაღლობას ვუხდი მას ამ ყველაფრისთვის. მინდა გაამართლოს მისი იმედი. კავკასიელი ქალები ოლითგანვე იყვნენ დიდი მებრძოლები და ჩვენ ეს სისხლში გვაქვს, ამიტომ არ მგონია დღევანდელ ცხოვრებაში ვინმე სხვა ნაირად უყურებდეს გოგონების კრივზე შესვლის საკითხს, ან რინგზე გამოჩენას. მითუმეტეს, როცა საქმე მოზარდების ჯანსაღ ცხოვრებას ეხება, ნებისმიერი სპორტი მისაღებია და გამართლებულია. მარიამი ყველაფერში მაქსიმალისტიკა, თუ რაიმეს ხელი მოჰკიდა და დანიტერესდა, ცდილობს დიდი შედეგი აჩვენოს. მის პროფესიულ ინტერესსა და სამომავლო გეგმებზე საუბარი ჯერ ნაადრევია, მაგრამ კიკბოქსინგის გარდა ასევე ძალიან უყვარს ცეკვა, სადაც ასევე აქვს წარმატებები და ჯილდოები“.

**ილია მარტყოფლიანი**

## პატრიარქის სამკიბრის წერილი

არხილოსკალის მემორიალთან 29 ოქტომბერს ტრაგიკულად გარდაცვლილი 3 წლის ბიჭის ოჯახმა პატრიარქის სამკიბრის წერილი მიიღო.

„ბატონო ზაქარია და ქალბატონო ხატია, მიიღეთ ჩვენი თანაგრძობა. აღვავლენთ ლოცვებს გაბრიელის უკვდავი სულისათვის, რათა უფალმან სავანე დაუშვილოს, - ნათქვამია განცხადებაში.


„დიდი მაღლობა ჩვენი პატარა შვილის, ახლად გარდაცვლილი გაბრიელის ნათლიას. ყველაზე თბილ, მოსიყვარულე, მზრუნველ მამას, უწმინდესსა და უნეტარესს სრულიად საქართველოს კათოლიკოს - პატრიარქს, მცხეთის თბილისის მთავარეპისკოპოსს და ბიჭვინთისა და ცხუმ-აფხაზეთის მიტროპოლიტს ილია მეორეს ჩვენი ოჯახის ამ მძიმე განსაცდელში დიდი ნუგეშისთვის. გვიყვარხართ“ - წერს გარდაცვლილის დედა.

ციცილო და არჩილ ჩაფიაშვილები ოჯახებით თანაგრძობას უცხადებენ შვილებს: პაატა და მათა ხუმარაშვილებს, რძალს მათა ყონიაშვილს, სიძეს გელა ბეგაშვილს, შვილიშვილებს - დედისა და ბებულის **ივოლი ბოსტოლანაშვილი-ხუმარაშვილის** გარდაცვალების გამო.

## თიემურაზ (ზამთარა) ზამთარაული

თვალსა და ხელს შუა გაიბრინა ერთმა ნელმა. ჩვენ ერთმანეთს დავმორდით და მარადიულ სასუფევლეში გადაინაცვლე 10 ნოემბერს. დაუფერებელი იყო შენი ავადმყოფობა. ისე მხნედ იყავი, მაგრამ მოულოდნელად დაგარია ხელი უკურნებელმა სენმა და 2 თვე ლოგინად ჩაგავადო. ორი თვე ენამე და ზუსტად ორი თვის თავზე მიაბარე შენი სული მარადიულ სასუფევლს. შენი ხმა არ გავივია, ერთი ვაი არ გითქვამს, დატოვე ოჯახი, შვილები, შვილიშვილები, მეუღლე. დატოვე კაცური კაცის სახელი. იყავი მშრომელი, ალაღ-მართალი ადამიანი, შესანიშნავი მეუღლე, მამა და პაპა. ყველასთვის ერთგული და უღალატო ნახვედი და ჩაეხუტე შენს შვილიშვილს - გიორგის, მოგიკვდეთ ჩემი თავი. ძალიან გაუსაძლისია ჩემი აქ ყოფნა, უზომოდ მენატრებით. მხოლოდ სურათებს ვეფერები. 10 ნოემბერს მოვალთ შენს საფლავზე, მოგიტანთ უამრავ ყვავილს, დაგინებთ სანთლებს და ღმერთს შეგავედრებთ თქვენს სულებს. მშვიდად იძინეთ, ჩემო ორო ვაჟკაცო.

**შეხვედრამდე: შენი უბედური მეუღლე - ნაირი თიემურაზოვი.**



## ივოლი ბოსტოლანაშვილი

ჩვენი ძვირფასო დაო, უღამაზესო დედაშვილო და „დედად“ ნოდებულო, ძალიან ვწუხვართ, რომ დაგვტოვე ამ წუთისოფელში და შენ გაუდექი სასუფევლის გზას. ჩვენ გვწამს და გვჯერა, რომ სამოთხეში მოხვდება შენი კეთილი სული. შენი გულკეთილობით, კარგი მომსახურებითა და გულისხმიერებით უყვარდი პაციენტებს. ნიუთელწყაროს პოლიკლინიკაში მუშაობის მანძილზე დაიმსახურე პატივისცემა და სიყვარული. ზემო მარჯანელი, არბოშიკელი, მირზაანელი და ქედების ზონის ხალხისგან. ქედლების ძვირფასო რძალო, კარგო ქალი - ხუმარაშვილების ძვირფასო დედაც, კარგო დედამთილო, სიდედრო და ბებიაც. იძინე მშვიდად შენს სასუფლოში ძვირფას მეუღლესთან - ვანო ხუმარაშვილთან ერთად.

დაგტირით და გვეფერებით, სანამ პირში სული გვიდგას. შენს სულს მუდამ სევავედრებთ უფალს. შენს სულს ბოდიშს უხდიან შენი დონარა და თამარი, რომ სამუდამო გზაზე ვერ გაგაცილეს.

**შუშუნა გაგაშვილი**





# მეუფე დიმიტრის ანგელოზის დღე და პანაშვიდი



8 ნოემბერს მართლმადიდებლური ეკლესია წმიდა დიდმონაშენ დიმიტრი თესალონიკელის ხსენების დღეს აღნიშნავს. ამასთან დაკავშირებით დედოფლისწყაროს ღვთისმშობლის მიძინების სახელობის საკათედრო ტაძარში საზეიმო წირვა ახალციხისა და ტაო-კლარჯეთის მიტროპოლიტმა, ჩვენი ეპარქიის დროებითმა მმართველმა თეოდორემ აღავლინა. მსახურების დასრულების შემდეგ ტაძრის ეზოში ხორნაბუჯისა და ჰერეთის ეპისკოპოსის, დიმიტრი კაპანაძის საფლავზე მისი სულის მოსახსენიებელი პანაშვიდი ჩატარდა.

წირვა კახეთის სახელმწიფო რწმუნებული გიორგი ალადაშვილი, დედოფლისწყაროს მუნიციპალიტეტის მერი ნიკოლოზ ჯანიაშვილი და მუნიციპალიტეტის საკრებულოს თავმჯდომარის მოადგილე გოჩა სამუკაშვილი დაესწრნენ.



## ორ ნათლიაზე მეტის არჩევას ვეღარ შეძლებთ

ბოლო ხანს მეჯვარეებისა და ნათლიების სიმრავლემ იმდენად ცუდი სახე მიიღო, რომ სასულიერო პირები იძულებულნი გახდნენ საკითხი სინოდის სხდომაზე გაეტანათ და შეზღუდვები მიეღოთ. თუ ადრე მეფე-პატარალებს ქორწილში გვერდს თითო მეჯვარე უმშვენებდა, ახლა ხშირად შეხვედებით სურათს, სადაც წყვილს სამ-სამი, ან ოთხ-ოთხი ხელისმომკიდე ჰყავს. ასევე ნათლობის დროსაც, ხშირად ნათლობის ცერემონიაზე ათამდე ნათლია დგას. ხშირ შემთხვევაში ნათლიების შერჩევის დროს ანგარება და სხვა ინტერესები იკვეთება, არადა ნათლიას სულ სხვა მისია აქვს ქრისტიანი ადამიანის ცხოვრებაში.



წმინდა სინოდის სხდომაზე ღიად ითქვა, რომ ბოლო ხანს მცენე პრაქტიკა დაინერგა და ნათლიების რაოდენობა წარმოუდგენლად გაიზარდა. მიტროპოლიტმა შიომ (მუჯირი) ისაუბრა ნათლობის მსახურების აღსრულებისას ჩვენს ეკლესიაში ბოლო დროს გავრცელებულ არასწორ პრაქტიკაზე, - მიმრქმელთა (ნათლიების) გადაჭარბებულ რაოდენობაზე.

**წმინდა სინოდმა განაჩინა:** ეკლესიის კანონიკური წესის მიხედვით, მიმრქმელი (ნათლია) უნდა იყოს ერთი; ხოლო ისტორიულად ჩამოყალიბებული ტრადიციით, დასაშვებია, იყოს ორიც (მამაკაცი და ქალი; ასევე კანონიკური ტრადიციითვე, ზრდასრული ადამიანის ნათლობისას, ნათლია უნდა იყოს იმავე სქესის). საქართველოში, გამონაკლისის სახით, ნათლიების რიცხ-

ვის სამამდე გაზრდა, ნებადართულია, მიმრქმელად (ნათლიად) კათოლიკოს-პატრიარქის დადგომის შემთხვევაში.

უცნობია, შეეხება თუ არა შეზღუდვა ჯვრისწერის დროს მეჯვარეების სიმრავლეს.

ამ საკითხზე გაზეთი „შინაპი“ ჩვენი ეპარქიის სასულიერო პირებს ესაუბრა და მათი პოზიციითაც დაინტერესდა.

**არქიმანდრიტი იონოზრა ნუ-ლაქა:** „როგორც ვიცით, ხანდახან ბევრ ადამიანს თხოვდნენ მშობლები ნათლობას შვილებისთვის. ხშირად წარმატებული ადამიანების კრებულს ადგენდნენ. არადა ნათლია სულიერი მეურვე უნდა იყოს ადამიანისთვის. ეკლესიური და მორწმუნე. ჩახედული და მცოდნე წმინდა წერილისა და გამოჩენილ საკლესიო მოღვაწეთა შეხედულებების. ასევე საქმიანად საინოვებოა მქნელნი და მონაწილენი უნდა იყვნენ. ჩემი აზრი არ შეიძლება იყოს სხვა-ნაირი, ვიდრე სინოდის დადგენილება. ერთი ან ორი ნათლია და მესამე მხოლოდ იმ შემთხვევაში თუ უწმინდესი პატრიარქიცაა ნათლია. სხვა ვარიანტი შეიძლება არამადღობოსილიად ჩავთვალოთ. შეეცდებით, სინოდის ახალი განჩინება მორჩილებით აღვასრულოთ, გამოჩენილების გარეშე. აქამდე ნათლიები სქესის მიხედვით იზღუდებოდა და მხოლოდ იმავე სქესის ნათლია იყო

დაშვებული, ახლა ეს შეზღუდვა ბავშვების მონათვლის დროს არ მოქმედებს. მხოლოდ უფროსი ადამიანის მონათვლის შემთხვევაში თავისივე სქესის ნათლია უნდა შეარჩიონ“.

ამას გარდა, იყო მოლოდინი, რომ წმინდა სინოდი მღვდელმთავრების გარეშე დარჩენილ ეპარქიებზეც იმსჯელებდა და სინოდს გამოკლებული წევრების ჩანაცვლებას განიხილავდა, თუმცა ამჯერად ეს საკითხი ისევ არ განხილულა. არადა ეპისკოპოსების გარეშე 6 ეპარქიაა დარჩენილი. ეპარქიის ახალი მმართველი უნდა დადგინდეს მათ შორის დედოფლისწყაროშიც.

სინოდის დასრულების შემდეგ ყურნალისტებთან გამოსული მღვდელმთავრები აღნიშნავდნენ, რომ საზღვრისპირა ეპარქიებზე იმსჯელება და ისაუბრეს პრობლემებზეც. თუმცა, როგორც ჩანს, სინოდის შევსების საკითხი ისევ ღიად რჩება. ჯერ უცნობია, მღვდელმთავრებს ეპარქიებს შეუცვლიან, თუ ახალ სასულიერო პირებს დაადგენენ ეპისკოპოსებად. შიდა რესურსის გადანაწილების შემთხვევაშიც სინოდს ახალი სასულიერო პირების ეპისკოპოსის ხარისხში აყვანა და სინოდის წევრებად დადგენა მაინც მოუწევს.

ილია მარტყოფლიშვილი

## ლაშა ბექაური საფრანგეთში ავროპის ვიცე-ჩემპიონი გახდა

3-5 ნოემბერს, საფრანგეთის ქალაქი მონპელიე, ძიუდოში ევროპის ჩემპიონატს მასპინძლობდა. დედოფლისწყაროელმა ოლიმპიურმა ჩემპიონმა ლაშა ბექაურმა საფრანგეთში ამჯერად ევროპის ვიცე ჩემპიონის წოდება მოიპოვა.

მარკუს ნიმანი დაამარცხა - ბრუნზე დაუპირა გადაგდება, თუმცა ვერ დაატრიალა, მაგრამ არ მოეშვა და მანამ სდია, ვიდრე შიგნიდან ჩახვეულ ფეხზე იპონზე არ გადააგდო. ფრანგი ალექსის მათიეც საკმაოდ იოლად დასცა იპონზე - ტატამიდან ვერ აგლიჯვა, მაგრამ არც ამას მოეშვა და საბოლოოდ უკან მაინც გადააგდო.



ლა. ამ ყველაფრის ფონზე დასანანი იყო ფინალში მისი მარცხი სერბთა მსოფლიოს ჩემპიონ ნემანია მიდოვიტანთან. თუმცა ეს მარცხი ორმაგად უფრო დასანანი შეხვედრის ძირითად დროში ნანახი უწარაბით, როცა ყოველმხრივ დაჩაგრა მაიდოვი. ბექაურმა მოახერხა ინიციატივის ხელში აღება და გასაქანს არ აძლევდა

თუ ვერ დააგდება, მესამე გაფრთხილება მაინც რომ გამოემუშავებინა... პაექრობა დამატებით დროში გაგრძელდა და დალლა უკვე ქართველსაც დაეცყო.

პაექრობა ლამის 8 წუთამდე გაგრძელდა და საბოლოოდ მიდოვის ჩახტომითი კისრულით დასრულდა, რაც, ულაპარაკოდ, იპონი იყო. ასე წააგო ბექაურმა ლამის მოგებული ფინალი. არადა, სერბთან მხოლოდ 1 შეხვედრა ჰქონდა წაგებული, ისიც ძალიან შორეულ წლებში და სამჯერ - მოგებული.

ილია მარტყოფლიშვილი

ა მ ი ნ დ ი		დ ე დ ო ფ ლ ი ს ც ყ ა რ ო				
ორშაბათი 13.11	სამშაბათი 14.11	ოთხშაბათი 15.11	ხუთშაბათი 16.11	პარასკევი 17.11	შაბათი 18.11	კვირა 19.11
დღე	ღამე	დღე	ღამე	დღე	ღამე	დღე
22°	7°	20°	7°	17°	6°	13°
5°	13°	5°	13°	3°	11°	2°
13°	4°					

გამომცემელი შპს „შინაპი“  
 დირექტორი **ინგა შიოლაშვილი**  
 რედაქტორი **ილია მარტყოფლიშვილი**

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა);  
 ხათუნა ბენაშვილი (კორექტორი); ნათია ბოსტაშვილი (ბუღალტერი); ნინო  
 ჯანაშვილი (ოფის-მენეჯერი); მზია ქინძაძე (საქმის მწარმოებელი).

გაზეთი აიწყო და დაკაბდონდა „შინაპის“ კომპიუტერულ ბაზაზე.  
 ყოველკვირეული გამოცემა იგეგმება შპს „კოლორ პრესის“ სტამბაში.

რედაქციის მისამართი:  
 ქალაქი დედოფლისწყარო, ფიროსმანის №18,  
 ☎ 0 356 22 22-85;  
 598 72-18-72 (დირექტორი)  
 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6 014-468.  
**გაზეთის გამომწერა წელიწადში - 20 ლარი**